


柳田文庫
文庫11
D 297
2



文庫 11
D 297
2

遼史卷十五

元中書右丞相總裁托克托等修

本紀第十五

聖宗六

烏江文庫

二十八年春正月辛亥朔不受賀甲寅如乾陵癸酉奉
安大行皇太后梓宮于乾州葭塗殿二月丙戌宋遣王
隨王儒等來弔祭己亥高麗遣魏守愚等來祭是月遣
左龍虎衛上將軍蕭和卓原作合卓饋大行皇太后遺物于
宋仍遣臨海軍節度使蕭實喇原作虛列左領軍衛上將軍
張崇濟謝宋弔祭三月癸卯上大行皇太后諡為聖神
宣獻皇后是月宋高麗遣使來會葬夏四月甲子葬太
后于乾陵賜大丞相耶律德昌名曰隆運庚午賜宅及
陪葬地五月己卯朔如中京辛卯清暑七金山乙巳西

010190566175

北路招討使蕭托雲原作圖玉奏伐甘州回鶻破肅州盡俘

其民詔修托輝原作土隗口故城以實之丙午高麗西京留

守康肇弒其主誦擅立誦從兄詢詔諸道繕甲兵以備

東征秋八月戊申振平州饑民辛亥幸中京丙寅謁顯

乾二陵丁卯自將伐高麗遣使報宋以皇弟楚國王隆

祐留守京師北府宰相駙馬都尉蕭巴雅爾原作排押為都

統北面林牙索諾木原作僧奴為都監九月乙酉遣使冊西

平王李德昭為夏國王辛卯遣樞密直學士高正引進

使韓杞宣問高麗王詢冬十月丙午朔女直進良馬萬

匹乞從征高麗許之王詢遣使奉表乞罷師不許十一

月乙酉大軍渡鴨淥江康肇拒戰敗之退保銅州丙戌

肇復出右皮室詳袞原作詳穩耶律達魯原作敵魯擒肇及副將

李立追殺數十里獲所棄糧餉鎧仗戊子銅霍貴寧等

州皆降巴雅爾原作排押至努克特原作奴古達嶺遇敵兵戰敗

之辛卯王詢遣使上表請朝許之禁軍士俘掠以政事

舍人馬保佑為開京留守安州團練使旺巴原作王八為副

留守遣太子太師伊林原作乙凜將騎兵一千送保佑等赴

京壬辰守將卓思正殺遼使者韓吉遜原作喜孫等十人領

兵出拒保佑等還遣伊林原作乙凜領兵擊之思正遂奔西

京圍之五日不克駐蹕城西高麗禮部郎中渤海托實

原作陀失來降庚子遣巴雅爾原作排押博諾原作益奴等攻開京遇

高麗兵敗之王詢棄城遁去遂焚開京至清江還

二十九年春正月乙亥朔班師所降諸城復叛至貴德

州南嶺谷大雨連日馬馳皆疲甲仗多遺棄霽乃得渡

己丑次鴨淥江庚寅皇后及皇弟楚國王隆祐迎于來

遠城壬辰詔罷諸軍己亥次東京二月己酉謁乾顯二

陵戊午所俘高麗人分置諸陵廟餘賜內戚大臣三月
已卯大丞相晉國王耶律隆運薨庚辰皇弟楚國王隆
祐權知北院樞密使事樞密直學士高正爲北院樞密
副使庚寅南京平州水振之已亥以北院大王耶律實
嚕原作爲北院樞密使封韓王北院郎君耶律世良爲
北院大王前三司使劉愼行參知政事兼知南院樞密
使事夏四月清暑老古渴五月甲戌朔詔已奏之事送
所司附日曆又詔帳族有罪黥墨依諸部人例乙未以
劉愼行爲南院樞密使南府宰相邢抱質知南院樞密
使事六月庚戌升蔚州知州爲觀察使乙卯韓王耶律
實嚕原作薨丙辰以南院大王華格原作爲北院樞密
使丁巳詔西北路招討使駙馬都尉蕭托雲原作安撫
西鄙置準布原作阻卜諸部節度使是秋獵于平地松林冬

十月庚子駐蹕廣平淀甲寅贈大丞相晉國王耶律隆
運尙書令諡文忠十一月庚午朔幸顯州十二月庚子
復如廣平淀癸丑以知南院樞密使事邢抱質年老詔
乘小車入朝是月置歸寧二州是年御試放高承顏等
二人及第

開泰元年春正月己巳朔宋遣趙湘符成翰來賀癸未
長白山三十部女直酋長來貢乞授爵秩甲申駐蹕王
子院丙戌望祠木葉山丁亥女直太保佛寧原作等來
朝戊子獵于瑪哈拉原作林庚寅祠木葉山辛卯哈
斯罕原作大王呼勒希原作來朝二月壬子駐蹕
瑞鹿原三月甲戌以蔚州爲觀察不隸武定軍乙亥如
葦灤丁丑詔封皇女八人爲郡主乙酉詔卜日行拜山
大射柳之禮命北宰相駙馬蘭陵郡王蕭寧樞密使司

空邢抱質督有司具儀物丁亥皇弟楚國王隆祐徙封
齊國王留守東京夏四月庚子高麗遣蔡忠順來乞稱
臣如舊詔王詢親朝壬寅夏國遣使進良馬己酉祀風
伯辛酉以前孟父房常袞原作蕭佛努原作為左伊勒
希巴原作夷五月戊辰朔還上京詔裴元感邢祥知禮
部貢舉放進士史簡等十九人及第以駙馬蕭紹宗為
鄭州防禦使乙亥以邢抱質為大同軍節度使六月駐
蹕上京七月丙子以耶律遂貞為遼興軍節度使遂正
北院宣徽使張昭瑩南院宣徽使耶律受益上京副留
守寇卿彰德軍節度使命耶律釋紳努原作釋李操充
賀宋國生辰信使副蕭尼古原作齊泰賀宋正旦使副
進士康文昭張素臣郎元達坐論知貢舉裴元感邢祥
私曲祕書省正字李萬上書辭涉怨訕皆杖而徒之萬

役陷河治八月丙申鐵驪納蘇

原作那沙等送烏舍原作兀惹百

餘戶至賓州賜絲絹是日納蘇

原作那沙乞賜佛像儒書詔

賜護國仁王佛像一易詩書春秋禮記各一部己未高
麗王詢遣田拱之奉表稱病不能朝詔復取六州地是
月齊國王隆祐薨輟朝五日冬十月辛亥如中京閏月
丁卯贈隆祐守太師諡仁孝十一月甲午朔文武百官
加上尊號曰宏文宣武尊道至德崇仁廣孝聰睿昭聖
神贊天輔皇帝大赦改元開泰改幽都府為析津府薊
北縣為析津縣幽都縣為宛平縣覃恩中外己亥賜夏
國使東頭供奉官曹文斌呂文貴竇珪祐守榮武元正
等爵有差癸卯前遼州錄事張庭美六世同居儀坤州
劉興允四世同居各給復三年甲辰西北招討使蕭托
雲原作奏七部太師阿勒達原作阿因其部民之怨殺

本部節度使巴罕原作霸暗并屠其家以叛準布原作阻卜執阿勒達原作阿里底以獻而沿邊諸部皆叛十二月丙寅奉遷南京諸帝石像于中京觀德殿景宗及宣獻皇后于上京五鸞殿壬申振奉聖州饑民庚辰賜皇弟秦晉國王隆慶鐵券癸未劉晨言殿中高可垣中京留守推官李可舉治獄明允詔超遷之甲申詔諸道水菑饑民質男女者起來年正月日計傭錢十文價折傭盡遣還其家歸州言其居民本新羅所遷未習文字請設學以教之詔允所請貴德龍化儀坤雙遼同祖七州至是有詔始征商已丑詔諸鎮建宣敕樓

二年春正月癸巳朔以裴元感爲翰林承旨邢祥給事中石用中翰林學士呂德推樞密直學士張儉政事舍人邢抱質加開府儀同三司守司空兼侍中王繼忠中京留守檢校太師戶部侍郎劉涇加工部尚書駙馬蕭紹宗加檢校太師耶律琨原作控溫加政事令封幽王丁未如瑞鹿原北院樞密使耶律華格原作化哥封幽王以馬氏爲麗儀耿氏淑儀尙寢白氏昭儀尙服李氏順儀尙功艾氏芳儀尙儀孫氏和儀已未錄囚烏爾古原作烏古德喀原作敵烈叛右皮室詳袞原作詳穩延壽率兵討之是月達旦國兵圍鎮州州軍堅守尋引去二月丙子詔以麥務川爲象雷縣女河川爲神水縣羅家軍爲閭山縣山子川爲富庶縣習家砦爲龍山縣阿蘭原作阿覽峪爲勸農縣松山川爲松山縣金甸子爲金原縣壬午遣北院樞密副使高正按察諸道獄三月壬辰朔華格原作化哥以西北路略平留兵戍鎮州赴行在夏四月甲子拜日詔從上京請以韓斌所括贍國塔魯原作達魯河奉豪等州戶二萬五千

四百有奇置長霸興仁保和等十縣丙子如緬山五月

辛卯朔復命華格原作化哥等西討六月辛酉朔遣中丞耶

律資忠使高麗取六州舊地秋七月壬辰烏爾古原作烏古

德略原作敵烈皆復故疆乙未西南招討使政事令色珍原作

軫斜奏党項諸部叛者皆遁黃河北模赧山其不叛者哈

坦原作曷黨額勒敏原作烏迷兩部因據其地今復西遷詰之則

曰逐水草不早圖之後恐為患又聞前後叛者多投西

夏西夏不納詔遣使再問西遷之意若歸故地則可就

加撫諭使不報上怒欲伐之遂詔李德昭今党項叛我

欲西伐爾當東擊毋失犄角之勢仍命諸軍各市肥馬

丁酉以特哩袞原作楊隱耶律迪里原作滌列為南府宰相太尉

烏格原作五哥為特哩袞原作楊隱癸卯釣魚曲溝戊申詔以敦

睦宮子錢振貧民己酉華格原作化哥等破準布原作阻卜酋長

烏巴原作烏入之眾丁卯封皇子宗訓大內特哩袞原作楊隱入

月壬戌遣引進使李延宏賜夏國王李德昭及義成公

主車馬己丑耶律資忠使高麗還冬十月己未朔畋庶

井之北命耶律阿營等使宋賀生辰辛酉駐蹕長樂丙

寅詳袞原作詳穩張馬留獻女直人知高麗事者上問之曰

臣三年前為高麗所擄為郎官故知之自開京東馬行

七日有大砦廣如開京旁州所貢珍異皆積於此勝羅

等州之南亦有二大砦所積如之若大軍行由前路取

哈斯罕原作蘇館女直北直渡鴨淥江並大河而上至郭

州與大路會高麗可取而有也上納之十一月甲午錄

囚癸丑樞密使幽王華格原作化哥以西征有罪削其官封

出為大同軍節度使十二月甲子以北院大王耶律世

良為北院樞密使封岐王以宰臣劉晟監修國史牛璘

為彭國軍節度使蕭孝穆為西北路招討使放進士鮮于茂昭等六人及第

三年春正月己丑錄囚準布原作阻卜酋長烏巴原作烏八來朝

封為王乙未如渾河丁酉女直及鐵驪各遣使來貢是

夕彗星見西方丙午畋潢河濱壬子帝及皇后獵瑞鹿

原二月戊午詔增樞密使以下月俸甲子遣上京副留

守耶律資忠復使高麗取六州舊地三月庚子遣耶律

世良城招州戊申南京奉聖平蔚雲應朔等州置轉運

使夏四月庚午詔南京管內毋淹刑獄以妨農務癸亥

烏爾古原作烏古叛乙亥沙州回鶻曹順遣使來貢丙子以

西北路招討都監蕭孝穆為北府宰相五月乙酉朔清

暑緬山六月乙亥合巴哩原作拔里伊實原作乙室二國舅為一

帳以伊實原作乙室伊勒希巴原作商畢蕭迪里原作敵烈為詳袞

原作詳穩以總之甲申封皇姪呼圖克原作都古為廣平郡王

是夏詔國舅詳袞原作詳穩蕭迪里原作敵烈東京留守耶律托

實原作團石等討高麗造浮梁于鴨淥江城保宣義定遠等

州秋七月乙酉朔如平地松林壬辰詔政事省樞密院

酒間授官釋罪毋即奉行明日覆奏八月甲寅朔幸沙

嶺九月丁酉八部德喀原作敵烈殺其詳袞原作詳穩刷原作稍瓦皆

叛詔南府宰相耶律烏拉噶原作刺葛招撫之辛亥釋德

喀原作敵烈數人令招諭其衆壬子耶律世良遣使獻德喀

原作敵烈俘冬十月甲寅朔幸中京丙子以旗鼓伊喇原作拽刺

詳袞原作詳穩特哩袞原作里姑為奚六部大王放進士張用

行等三十一人及第出身

四年春正月乙酉如瑞鹿原丙戌詔耶律世良再伐達

魯特原作烈得戊子命詳袞原作詳穩巴古原作拔姑溺水瑞鹿原

以備春蒐丁酉獵馬蘭淀壬寅東征東京留守善寧平
章納爾琿原作涅里奏已總大軍及女直諸部兵分道進
討遂遣使齎密詔軍前二月壬子朔如色勒迪原作薩隄
于闐國來貢夏四月癸丑以林牙建福為北院大王甲
寅蕭迪里原作敵烈等伐高麗還丙寅哈斯罕原作蘇館部請
括女直王蘇北納原作只你戶舊無籍者會其丁入賦役
從之樞密使固寧原作貫寧奏大破八部達魯特原作烈得詔
侍御薩喇原作撒刺獎諭代行執手之禮丙寅耶律世良等
上破準布原作阻卜俘獲數戊辰駐蹕沿柳湖己巳女直遣
使來貢壬申耶律世良討烏爾古原作烏古破之甲戌遣使
賞有功將校世良討達魯特原作烈得至清泥竭時伊濟
原作于厥既平朝廷議內徙其眾伊濟原作于厥安土重遷遂叛
世良懲創既破達魯特原作烈得輒殲其丁壯勒兵渡哈

喇原作曷刺河進擊餘黨斥堠不謹其將縹果原作勃括聚兵稠
林中擊遼軍不備遼軍小却結陣河曲縹果原作勃括是夜
來襲翌日遼後軍至縹果原作勃括誘伊濟原作于厥之眾皆遁
世良追之軍至險阨縹果原作勃括方阻險少休遼軍偵知
其所世良不亟掩之縹果原作勃括輕騎遁去獲其輜重及
所誘伊濟原作于厥之眾併遷達魯特原作烈得所獲薩瑪爾
原作麥里部民城臚胸河上以居之是月蕭揚格原作楊哥尙
南平郡主五月辛巳命北府宰相劉晟為都統樞密使
耶律世良為副殿前都點檢蕭屈烈為都監以伐高麗
晟先攜家置邊郡致緩師期追還之以世良屈烈總兵
進討以耶律德政為遼興軍節度使蕭尼古爾原作骨烈
天城軍節度使李仲舉卒詔賻恤其家六月庚戌上拜
日如禮與滿圖古爾原作都骨世勳易衣馬為好以上京

留守耶律巴格原作八哥為北院樞密副使秋七月上又拜日遂幸秋山自八月射鹿至于九月復自癸丑至于辛酉連獵于有柏碎石太保響應松山諸山丁卯與伊勒希巴原作夷兵部尚書蕭榮寧定為交契以重君臣之好丙子以旗鼓伊喇原作拽刺詳袞原作詳穩特哩袞原作里姑為六部奚王冬十月駐蹕塔喇噶原作刺割灤十一月庚申詔汰東京僧及命上京中京泊諸宮選精兵五萬五千人以備東征十二月南巡海徼還幸顯州五年春正月丁未北幸庚戌耶律世良蕭屈烈與高麗戰于郭州西破之斬首數萬級盡獲其輜重乙卯師次南海軍耶律世良薨于軍癸酉駐蹕雪林二月己卯準布原作阻卜長來朝辛巳如色勒迪原作薩隄灤庚寅以前東京統軍使耶律韓留為右伊勒希巴原作夷戊戌皇子宗

真生三月乙卯布古德原作骨德鼻長蘇布特薩喇原作保特賽刺等來貢辛酉諸道獄空詔進階賜物丙寅以前北院大王耶律敬溫為額珍尼郭齊喀原作扎割只辛未党項庫克原作魁可來降夏四月乙亥振招州民戊寅以左伊勒希巴原作夷蕭和卓原作合卓為北院樞密使赫勒納原作魯寧為副使庚辰清暑孤樹淀五月甲子尚書蕭姬隱坐出使後期削其官丁卯以耿元吉為戶部使六月以政事舍人吳克昌按察霸州刑獄丁丑回鶻獻孔雀秋七月甲辰獵于赤山八月丙子幸懷州有事于諸陵戊寅還上京九月癸卯皇弟南京留守秦晉國王隆慶來朝上親出迎勞至實德山因同獵于松山乙丑駐蹕杏塢冬十月甲午封秦晉國王隆慶長子察克原作查割中山郡王次子蘇克原作遂哥樂安郡王十一月辛丑以參知政事馬

保忠同知樞密院事監修國史丁巳以北面林牙蕭威
烏克原作為國舅詳袞原作十二月乙酉秦晉國王隆
慶還至北安薨訃聞上為哀慟輟朝七日丁酉宋遣張
遜王承德來賀千齡節是歲放進士孫傑等四十八人
及第

六年春正月癸卯如錐子河二月甲戌以公主賽格原作

殺無罪婢駙馬蕭托雲原作不能齊家降公主為縣

主削托雲原作同平章事丁丑詔國舅帳詳袞原作蕭

威烏克原作將本部兵東征高麗其國舅司事以都監

攝之庚辰以南面林牙聶赫原作為南院大王三月乙

巳如顯州葬秦晉國王隆慶有事于顯乾二陵追冊隆

慶為太弟夏四月辛卯封隆慶少子謝嘉努原作為

長沙郡王以樞密使漆水郡王耶律制心權知諸行宮

都部署事壬辰禁命婦再醮丙申如涼陁五月戊戌朔

樞密使蕭和卓原作為都統漢人行宮都部署王繼忠

為副殿前都點檢蕭屈烈為都監以伐高麗翌日賜和

卓原作劍俾得專殺丙午錄囚已酉設四帳都詳袞原作

甲寅以南京統軍使蕭惠為右伊勒希巴原作夷

卯祠木葉山潢河乙丑駐蹕九層臺六月戊辰朔德妃

蕭氏賜死葬兔兒山西後數日大風起塚上晝暝大雷

電而雨不止者踰月是月南京諸縣蝗秋七月辛亥如

秋山遣禮部尚書劉京翰林學士吳叔達知制誥仇正

已起居舍人程翥吏部員外郎南承顏禮部員外郎王

景運分路按察刑獄辛酉以西南路招討請置寧仁縣

于勝州九月庚子還上京以皇子舒蘇原作生大赦丁

未以駙馬蕭璉節度使華格原作知制誥仇正已楊佶

充賀宋生辰正旦使副乙卯蕭和卓原作合卓等攻高麗興
化軍不克還師冬十月丁卯南京路饑輓雲應朔宏等
州粟振之辛未獵鐔子河庚寅駐蹕達哩原作達離山十一
月乙卯建州節度使石匡弼卒十二月丁卯上輕騎還
上京戊子宋遣李行簡張信來賀千齡饒翌日宋馮元
張綸來賀正旦

遼史卷十五

德陽劉子雄校字
成都方守道覆校

遼史卷十六

元中書右丞相總裁托克托等修
本紀第十六

聖宗七

七年春正月甲辰如達哩原作達離山二月乙丑朔拜日如
渾河三月辛丑命東北伊埒圖原作越里篤博和哩原作阿里
鄂羅木原作奧里米富珠哩原作蒲奴里鐵驪等五部歲貢貂皮
六萬五千馬三百丙午烏爾古原作烏古部節度使蕭布達
普達原作敵烈討叛命德時原作敵烈滅之夏四月拜日丙寅振川饒
二州饑辛未振中京貧乏癸酉禁匿名書壬辰以三司
使呂德懋爲樞密副使閏月壬子以蕭進忠爲彰武軍
節度使兼五州制置戊午吐蕃王巴爾蘇原作并里尊奏凡
朝貢乞假道夏國從之五月丙寅皇子宗真封梁王宗

元永清軍節度使宗簡右衛大將軍宗愿左驍衛大將軍宗偉右衛大將軍皇姪宗範昭義軍節度使宗熙鎮國軍節度使宗亮絳州節度使宗弼濮州觀察使宗奕曹州防禦使宗顯宗蕭皆防禦使以張儉守司徒兼政事令六月丙申丕勒原作品達囉克原作打魯瑰部節度使博羅哩原作勃魯里至必繖原作鼻酒河遇微雨忽天地晦冥大風飄四十三人飛旋空中良久乃墮數里外博羅哩原作勃魯里幸獲免一酒壺在地反不移丙午行大射柳之禮庚申以耶律留寧吳守達使宋賀生辰蕭噶濟原作高九馬貽謀使宋賀正旦加平章蕭宏義開府儀同三司尚父兼政事令秋七月甲子詔翰林待詔陳升寫南征得勝圖于上京五鸞殿丁卯富珠哩原作蒲奴里部來貢九月庚申佛寧原作蒲昵國使奏本國與烏里國封壤相接數侵掠不

寧賜詔諭之戊辰詔內外官因事受賕事覺而稱子孫僕從者禁之庚午錄囚括馬給東征軍是月駐蹕土河川冬十月名中京新建二殿曰延慶曰永安壬寅以順義軍節度使石用中為漢人行宮都部署丙辰詔以東平郡王蕭巴雅爾原作排押為都統殿前都點檢蕭實喇原作虛列為副統東京留守耶律巴格原作入哥為都監伐高麗仍諭高麗守吏能率眾自歸者厚賞堅壁相拒者追悔無及十一月壬戌以呂德懋知吏部尚書楊又元知詳覆院劉晟為霸州節度使北府宰相劉慎行為彰武軍節度使庚辰禁服用明金縷金貼金戊子幸中京十二月丁酉宋遣呂夷簡曹瑋來賀千齡節是月蕭巴雅爾原作排等與高麗戰于茶陀二河遼軍失利天雲右皮室二軍沒溺者眾約尼原作遙輦帳詳袞原作詳穩阿克達原作果達客

省使卓庫原作酌古渤海詳袞原作詳穩高清明天雲軍詳袞原作第
詳哈里原作海里等皆死之放進士張克恭等三十七人及

八年春正月宋遣陳堯佐張羣來賀壬戌鐵驪來貢建
景宗廟于中京封沙州節度使曹順為燉煌郡王二月
丁未以前南院樞密使韓愬為中京留守漢人行宮都
部署王繼忠南院樞密使丙辰祭風伯三月己未以契
丹宏義宮使霍實原作赫石為興聖宮都部署前永安納原作
遙恩原作骨里部節度使崆郭囉原作骨里積慶宮都部署左祇候
郎君耶律罕四捷軍都監乙亥東平王蕭哈納原作韓寧東
京留守耶律巴格原作入哥國舅平章事蕭巴雅爾原作排押林
牙伊濟原作要只等討高麗還坐失律數其罪而釋之己卯
詔加征高麗有功渤海將校官壬午闕飛龍院馬癸未

輝發原作回跋部太師塔喇噶原作刺葛來貢丙戌置東京渤
海承奉官都知押班夏四月戊子朔如緬山五月壬申
以駙馬蕭克忠為長寧軍節度使乙亥遷寧州渤海戶
于遼土二河之間己卯哈斯罕原作蘇館特哩袞原作楊隱阿
巴該原作不葛宰相賽刺來貢六月戊子錄征高麗戰歿
將校子弟己丑以左伊勒希巴原作商畢蕭嘉哩原作解里為
西南面招討使御史大夫蕭伊濟原作要只為伊勒希巴原作
夷商原作畢已亥以特哩袞原作楊隱耶律哈噶原作合葛為南府宰相
南面林牙耶律韓留為特哩袞原作楊隱癸卯弛達巴原作大擺
山猿嶺採木之禁乙巳以南皮室軍校等討高麗有功
賜金帛有差秋七月己未征高麗戰歿諸將詔益封其
妻庚申以東北路詳袞原作詳穩耶律都木達原作獨迭為北院
大王辛酉約囉原作希里尼格原作涅哥二奚軍征高麗有功皆

賜金帛癸亥詔準布原作阻卜依舊歲貢馬千七百駝四百

四十貂鼠皮萬青鼠皮二萬五千戊辰觀稼己巳輝發

原作同跋部太保莽密原作麻門來貢庚午觀市曲赦市中繫囚

命解寧馬翼充賀宋生辰使副八月庚寅遣郎君赫伯

舍原作曷不式等率諸部兵會大軍討高麗九月己巳以石

用中參知政事宋遣崔遵度王應昌來賀千齡節壬申

錄囚甲戌復錄囚庚辰哈斯罕原作曷蘇館特哩袞原作惕隱阿

巴該原作阿不割來貢壬午駐蹕土河川冬十月乙酉詔諸

道事無巨細已斷者每三月一次條奏戊子遣耶律繼

崇鄭元瑕賀宋正旦癸巳詔橫帳三房不得與卑小帳

族為婚凡嫁娶必奏而後行癸卯以前北院大王建福

為額珍尼郭齊喀原作阿扎割只甲辰改東路和掄台布原作耗里

太城為咸州建節以領之十一月甲寅置雲州宣德縣

十二月辛卯駐蹕中京乙巳以廣平郡王宗業為中京

留守大定尹韓愬為特哩袞原作惕隱辛亥高麗王詢遣使

乞貢方物詔納之

九年春正月宋遣劉平張元普來賀二月如鴛鴦濼五

月庚午耶律資忠使高麗還王詢表請稱藩納貢歸所

留王人珠埒哩原作只刺里珠埒哩原作只刺里在高麗六年忠

節不屈以為林牙辛未遣使釋王詢罪並允其請癸酉

以耶律宗教檢校太傅宗誨啟聖軍節度使劉晟太子

太傅仍賜保節功臣秋七月庚戌朔日有食之詔以近

臣代拜救日甲寅遣使賜沙州回鶻燉煌郡王曹順衣

物以察喇原作查刺耿元吉哈濟原作韓九宋璋為來年賀宋生

辰正旦使副九月戊午以駙馬蕭紹宗平章事丁卯文

武百僚奉表上尊號不許表三上乃從之乙亥沙州回

鶻燉煌郡王曹順遣使來貢括諸道漢民馬賜東征軍以伊勒希巴原作夷延寧為兵馬副都部署總兵東征

是月駐蹕金鉞灤宋遣宋綬駱繼倫賀千齡節冬十月

戊寅朔以聶崱原作涅里為奚王都監托多囉原作突迭里為北

王府錫里原作舍利軍詳袞原作詳穩郎君婁原作老使沙州還詔

釋宿累國家舊使遠國多用犯徒罪而有才畧者使還

即除其罪戊子西南招討奏党項部有宋犀族輸貢不

時常有他意宜以時遣使督之詔曰邊鄙小族歲有常

貢邊臣驕縱微斂無度彼懷懼不能自達耳第遣清慎

官將示以恩信無或侵漁自然效順復奏迪錦原作諦居德

時台原作烈德部言節度使韓留有惠政今當代請留上

命進其治狀辛丑如中京壬寅大食國遣使進象及方

物為子察克原作冊割請婚十一月丁巳以漆水郡王韓慤

為南京留守析津尹兵馬都總管己未以伊勒希巴原作夷

蕭孝順為南面諸行宮都部署加左僕射十二月

丁亥禁僧然身煉指戊子詔中京建太祖廟制度祭器

皆從古制乙巳詔來年冬行大冊禮放進士張仲舉等

四十五人

太平元年春正月丁丑朔宋使魯宗道成吉來賀如渾

河二月乙卯幸鉞河壬戌獵高祁林三月戊戌皇子博

齊希原作勃已只生庚子駙馬都尉蕭紹業建私城賜名睦

州軍曰長慶是月大食國王復遣使請婚封王子班郎

君和索哩原作胡思里女嚙老原作可老為公主嫁之夏四月戊

申東京留守奏女直三十部首長請各以其子詣闕祇

候詔與其父俱來受約乙卯錄囚丁卯置萊州是月清

暑緬山秋七月甲戌朔賜從獵女直人秋衣乙亥遣古

哩原作取石晉所上玉璽于中京準布原作阻原作來貢辛巳

如沙嶺是月獵黃河九月幸中京冬十月丁未德噶原作

敵酋長普爾布原作頗白來貢馬駝戊申錄囚甲寅宋使李

懿王仲賓來賀千齡節及蘇惟甫周鼎賀來歲元正即

遣蕭善程翥報聘党項長赫嚕原作曷魯來貢己未以薩滿

嘉哩原作薩敏解里為都點檢郭囉原作高六副點檢耶律羅漢努

漢奴原作羅左皮室詳袞原作詳穩桑古原作嚩姑右皮室詳袞原作詳穩

拉拉原作聊了西北路金吾耶律僧隱御史大夫球格原作求哥

駙馬都尉蕭崇烏嚕原作骨里並大將軍庚申幸通天觀

觀魚龍曼衍之戲翌日再幸還升玉輅自內三門入萬

壽殿奠酒七廟御容因宴宗室十一月癸未上御昭慶

殿文武百僚奉冊上尊號曰睿文英武遵道至德崇仁

廣孝功成治定昭聖神贊天輔皇帝大赦改元太平中

外官進級有差宋遣使來聘夏高麗遣使來貢甲申冊

皇子梁王宗真為皇太子

二年春正月如納水釣魚二月辛丑朔駐蹕魚兒灤三

月甲戌如長春州丁丑宋使薛貽廓來告宋主恆殂子

禎嗣位遣都點檢耶律僧隱等充宋祭奠使副林牙蕭

日新觀察馮延休充宋后弔慰使副戊寅遣金吾耶律

諧領引進姚居信充宋主弔慰使副戊子為宋主飯三

京僧是月地震雲應二州屋摧地陷鄂博原作隗白山裂數

百步泉湧成流夏四月如緬山清暑五月乙亥朔參知

政事石用中薨庚辰鐵驪遣使獻烏舍原作兀惹十六戶六

月己未宋遣使薛由等來饋其先帝遺物秋七月己卯

以耶律信寧為奉陵軍節度使高麗國參知政事王同

顯靜海軍節度使耶律遂忠長寧軍節度使耿延毅昭

德軍節度使高守貞河西軍節度使九月癸巳遣尚書
僧隱韓格賀宋主卽位冬十月壬寅遣堂後官張克恭
充賀夏國王李德昭生日使耶律繼古原作掃古韓王充賀
宋太后生日使副耶律仙寧史克忠充賀宋正旦使副
是月駐蹕和爾郭斯原作胡魯古思淀癸卯賜宰臣呂德懋參
知政事吳叔達樞密副使楊又元右丞相馬保忠錢物
有差辛亥至上京曲赦畿內囚十一月丙戌宋遣使來
謝十二月辛丑高麗王詢薨其子欽遣使來報卽命使
冊欽爲高麗國王甲寅宋遣劉煜郭志言來賀千齡節
是年放進士張漸等四十七人
三年春正月丙寅朔如納水釣魚以僧隱爲平章事乙
亥以蕭臺德爲南王府都監林牙耶律信寧西北路昭
討都監辛巳賜越國公主私城之名曰懿州軍曰慶懿

二月丙申以丁振爲武信軍節度使改封蘭陵郡王戊
申以東平郡王蕭巴雅爾原作排押爲西南面都招討進封
幽王夏四月以耶律守寧爲都點檢五月清暑緬山六
月戊申以南院宣徽使劉涇參知政事蕭孝惠爲副點
檢蕭孝恭東京統軍兼沿邊巡檢使戊午以蕭璉爲左
伊勒希巴原作夷商畢蕭琳爲詳袞原作詳穩秋七月戊寅以南
府宰相耶律哈噶原作合葛爲上京留守封漆水郡王丙戌
以皇后生辰爲順天節丁亥賜緬山名曰永安是月獵
赤山閏月壬辰以蕭伯達韓紹雍充賀宋正旦使副唐
古特原作唐骨德程昭文賀宋生辰使副冬十月庚辰宋遣
薛奎郭盛來賀順天節王臻慕容惟素賀千齡節東征
軍奏統帥諧領常袞課努原作課奴率師自茂穆克原作毛母國
嶺入林牙噶濟原作高九裨將大匡逸等率師鼓山嶺入閏

月未至達掄原作撻離河不遇敵而還以是月會於哈卜齊
勒原作宏嶺駝馬死者甚眾駐蹕遼河十一月辛卯朔
以皇姪宗範為歸德軍節度使北府宰相蕭孝穆南京
留守封燕王南京留守韓愬南院大王兵馬都總管仇
正燕京轉運使十二月壬戌以宗範為平章事封三韓
郡王仇道衡中京副留守馮延休順州刺史郎元化西
山轉運使趙其樞密直學士丁卯以蕭永為太子太師
己卯封皇子重元秦國王
四年春正月庚寅朔宋遣張傳張士禹程琳丁保衡來
賀如鴨子河二月己未獵塔魯原作撻魯河詔改鴨子河曰
混同江塔魯原作撻魯河曰長春河二月戊子千齡節詔賜
諸宮分耆老食夏四月癸酉以右丞相馬保忠之子世
宏使嶺表至平地松林為盜所殺特贈昭信軍節度使

五月清暑永安山六月己未南院大王韓愬薨戊辰以
鄭宏節為兵部郎中劉慎行順義軍節度使辛未以燕
王蕭孝穆子順為千牛衛將軍甲戌以中山郡王察克
原作查哥為保靜軍節度使安樂郡王蘇克原作遂哥廣德軍節
度使蕭嘉哩原作解里彰德軍節度使庚辰以遼興軍節度
使周王呼圖克原作都古為臨海軍節度使漆水郡王迪
里原作敵烈南院大王秋七月如秋山八月丙辰以韓紹芳
為樞密直學士駙馬蕭必塔原作匹敵都點檢九月以駙馬
蕭紹宗為武定軍節度使耶律宗福安國軍節度使冬
十月駐蹕遼河宋遣蔡齊李用和來賀千齡節十一月
追封南院大王韓愬為陳王十二月以蕭從政為歸義
軍節度使康筠監門衛充賀宋正旦使副是年放進士
李炯等四十七人

遼史卷十六

德陽劉子雄校字
成都方守道覆校

Blank columns for text on the right page.

遼史卷十七

元中書右丞相總裁托克托等修

本紀第十七

聖宗八

五年春正月乙酉如混同江二月戊午禁天下服用明
金及金線綺國親當服者奏而後用是月如魚兒灤三
月壬辰以左丞相張儉為武定軍節度使同政事門下
平章事鄭宏節臨潢少尹劉慎行遼興軍節度使武定
軍節度使蕭必塔原作匹敵契丹行宮都部署樞密副使楊
又元吏部尚書參知政事兼樞密使是月如長春河魚
兒灤其水一夕有聲如雷越沙岡四十里別為一陂夏
五月清署永安山以蕭從順為太子太師吳叔達翰林
學士道士馮若谷加太子中允耶律晨武定軍節度使

張儉彰信軍節度使呂士宗禮部員外郎李可舉順義
軍節度使秋七月獵平地松林九月駐蹕南京己亥以
蕭迪烈李紹琪充賀宋太后生辰使副耶律守寧劉四
端充賀宋主生辰使副冬十月辛未宋太后遣馮元宗
史方來賀順天節十一月庚子幸內果園宴京民聚觀
求進士得七十二人命賦詩第其工拙以張昱等一十
四人爲太子校書郎韓樂等五十八人爲崇文館校書
郎辛丑以左祇候郎君詳袞原作詳穩蕭羅羅爲右伊勒希
巴原作夷十二月丁巳以漢人行宮都部署蕭孝先爲
上京留守皇姪長沙郡王謝嘉努原作謝家奴匡義軍節度
使耶律仁舉興國軍節度使甲子蕭守寧爲點檢侍衛
親軍馬步軍乙丑北院樞密使蕭和卓原作合卓薨戊辰以
北府宰相蕭布庫原作普古爲北院樞密使己巳遣蕭諧李

琪充賀宋正旦使副庚午以參知政事劉京爲順義軍
節度使乙亥宋使李維張綸來賀千齡節是歲燕民以
年穀豐熟車駕臨幸爭以土物來獻上禮高年惠鰥寡
賜酺飲至夕六街燈火如晝士庶嬉遊上亦微行觀之
丁丑禁工匠不得銷毀金銀器

六年春正月己卯朔宋遣徐奭裴繼起張若谷崔準來
賀庚辰如鴛鴦灤二月己酉以默勒濟原作迷離同知樞
密院黃翮爲兵馬都部署達庫濟原作骨只副之霍實原作赫石
爲都監引軍城混同江蘇默原作疎木河之間黃龍府請建
堡障三烽臺十詔以農隙築之東京留守巴格原作八哥奏
黃翮領兵入女直界徇地俘獲人馬牛豕不可勝計得
降戶二百七十詔獎諭之戊午以耶律頁原作野爲副點
檢以國舅帳蕭瑠實原作柳氏圖嚕庫原作魯骨領西北路十

二班軍奚王府錫里原作舍利軍已巳南京水遣使振之庚

午詔党項別部塔斯原作場西設契丹節度使治之三月戊

寅以大同軍節度使張儉入為南院樞密使左丞相兼

政事令參知政事吳叔達責授將作少監出為東州刺

史是月準布原作阻卜來侵西北路招討使蕭惠破之夏四

月丁未朔以武定軍節度使耶律海古勒原作漢古為特哩

衮原作楊隱戊申博囉滿達勒原作盧毛部多烏舍原作兀惹戶詔

索之丙寅如永安山五月辛卯以東京統軍使蕭繼古

原作繼古為契丹行宮都部署癸卯遣西北路招討使蕭惠

將兵伐甘州回鶻六月辛丑詔凡官畜並印其左以識

之秋七月戊申獵黑嶺八月蕭惠攻甘州不克師還自

是準布原作阻卜諸部皆叛遼軍與戰皆為所敗監軍尼嚕

古原作阻卜國舅帳太保額布勒原作不呂死之詔遣特哩

衮原作楊隱耶律鴻觀原作洪古林牙華格原作化哥等將兵討之九

月駐蹕遼河澌冬十月丙子哈斯罕原作蘇館諸部長來

朝庚辰遣使問夏國五月與宋交戰之故辛巳以前南

院大王濟魯古原作魯衮為烏爾古原作烏古德呼原作敵烈都詳

衮原作詳穩庚寅以蕭孝順蕭紹宗兼侍中駙馬蕭紹業平

章政事前南院大王和爾沁原作觀堇同知上京留守安格

原作安哥通化州節度使十一月乙丑宋遣韓翼田承說來

賀順天節戊辰西北路招討司小校繼古原作掃姑訴招討

蕭惠三罪詔都監鄂克沁原作骨禎按之十二月庚辰哈

斯罕原作蘇館部乞建旗鼓許之辛巳詔北面諸部廉察

州縣及錫林原作石烈穆嚕原作彌里之官不治者罷之詔大小

職官有貪暴殘民者立罷之終身不錄其不廉直雖處

重任即代之能清勤自持者在卑位亦當薦拔其內族

受賂事發與常人所犯同科戊戌遣杜防蕭蘊充賀宋
生辰使副庚子駐蹕遼河

七年春正月壬寅朔宋遣張保維孫繼業孔道輔馬崇

至來賀如混同江辛亥以女直伯埒原作白縷為特哩袞原作

惕佛門蒲馬原作為葉穆原作巖母部太師甲寅博囉滿達勒原作

毛朶部遣使來貢夏四月乙未獵黑嶺五月清暑永安

山西南路招討司奏陰山中產金銀請置冶從之復遣

使循遼河源求產金銀之所六月禁諸屯田不得擅貨

官粟癸巳詔蕭惠再討準布原作阻卜秋七月己亥朔詔更

定法令庚子詔諭駙馬蕭楚布原作鈕不公主諾木歡原作粘米

爾於后有父母之尊后或臨幸祇謁先祖祇拜空帳失

致敬之禮今後可設像拜謁乙巳詔輦路所經旁三十

步內不得耕種者不在訴訟之限九月駐蹕遼河冬十

月丁卯朔詔諸帳院庶孽並從其母論貴賤十一月宋

遣石中立石貽孫來賀千齡節王博文王雙賀順天節

辛亥以楊又元那祥知貢舉乙未匡義軍節度使中山

郡王察克原作查葛保寧軍節度使長沙郡王謝嘉努原作謝家

奴廣德軍節度使樂安郡王蘇克原作遂哥奏各將之官乞

選伴讀書史從之癸亥以三韓王欽為啓聖軍節度使

楊佖刑部侍郎甲子以左千牛衛上將軍耶律古雲原作

古昱為北院大王十二月丁卯遣耶律蘇葉原作遂英王永錫

充賀宋太后生辰蕭蘇色原作速撒馬保永充賀正旦使副

癸酉以金吾蕭郭囉原作高六為奚錫里原作舍利軍詳袞原作詳穩

八年春正月己亥如混同江庚申党項侵邊破之甲子

詔州縣長吏勸農二月戊子燕京留守蕭孝穆乞于拒

馬河接宋境上置戍長巡察詔從之三月駐蹕長春河

夏五月清暑永安山六月以哈納原作韓寧劉湘充賀宋太
后生辰使副吳克荷充賀夏國王李德昭生辰使癸巳
權北院大王耶律哲魯原作鄭留奏今歲十一月皇太子納
妃諸族備會親之帳詔以豪盛者三十戶給其費秋七
月丁酉以約尼原作遙輦帳郎君辰格原作陳哥為西北路巡檢
與蕭諧領同管二招討地以南院大王耶律迪里原作敵烈
為上京留守戊戌獵平地松林九月壬辰朔以渤海宰
相羅漢權東京統軍使壬子幸中京北德呼原作敵烈部節
度使耶律延壽請視諸部賜旗鼓詔從之癸丑準布原作
阻別部長呼蘭原作胡懶來降乙卯準布原作阻卜長吹古原作春古
來降冬十月宋遣唐肅葛懷愍來賀順天節樞密使魏
王耶律色珍原作斜軫孫婦阿古原作阿聒指斥乘輿其孫古雲
原作骨欲為之隱事覺乃並坐之仍籍其家詔燕城將士若

敵至總管備城之東南統軍守其西北馬步軍備其野
戰統軍副使繕壁壘課士卒各練其事十一月丙申皇
太子納妃蕭氏以耶律求翰為北院大王冬十二月辛
酉朔以約尼原作遙輦太尉色佛呼原作佛留為天雲軍詳袞
原作詳穩壬申以前北院大王耶律留寧為雙州節度使康
筠崇德宮都部署色實原作謝十永興宮都部署埒富原作旅墳
宜州節度使闕菴遼州節度使耶律貞野原作同知中京
留守耶律哈喇托輝原作魯突媿為大將軍丁丑詔庶孽雖
已為良不得預世選丁亥宋遣寇城康德來賀千齡節
朱諫曹英張逸劉永釗賀來歲兩宮正旦詔兩國舅及
南北王府乃國之貴族賤庶不得任本部官是歲放進
士張宥等五十七人
九年春正月至自中京二月戊辰遣使賜高麗王欽物

如烏林原作河夏五月清暑永安山六月戊子以長沙
郡王謝嘉努原作為廣德軍節度使樂安郡王蘇克
遂原作匡義軍節度使中山郡王察克原作保定軍節度
使進封潞王豫章王特布原作長寧軍節度使以耶律
思忠耶律荷耶律曷約尼原作色佛呼原作陳邈韓
紹一韓知白張震充賀宋兩宮生辰及來歲正旦秋七
月戊午朔如黑嶺八月己丑東京錫里原作軍詳袞原作
詳大延琳因留守駙馬都尉蕭孝先及南陽公主殺戶
部使韓紹勳副使王嘉四捷軍都指揮使蕭佛德原作
延琳遂僭位號其國為興遼年為天慶初東遼之地自
神冊來附未有椎醕鹽麴之法關市之征亦甚寬弛馮
延休韓紹勳相繼以燕地平山之法繩之民不堪命燕
又仍歲大饑戶部副使王嘉復獻計造船使其民諳海

事者漕粟以振燕民水路艱險多至覆沒雖言不信鞭
楚撈掠民怨思亂故延琳乘之首殺紹勳嘉以快其衆
延琳先事與副留守王道平謀道平夜棄其家踰城走
與延琳所遣召黃龍府黃翩者俱至行在告變上卽徵
諸道兵以時進討時國舅詳袞原作蕭必塔原作治近
延琳先率本管及家兵據其要害絕其西渡之計渤海
太保夏行美亦舊主兵戍保州延琳密馳書使圖統帥
耶律博諾原作行美乃以實告博諾原作得書遂殺渤
海兵八百人而斷其東路延琳知黃龍保州皆不附遂
分兵西取瀋州其節度使蕭旺祿原作初至其副張傑
聲言欲降故不急攻及知其詐而已有備攻之不克而
還時南北女直皆從延琳高麗亦稽其貢及諸道兵次
第皆至延琳嬰城固守冬十月丙戌朔以南京留守燕

王蕭孝穆爲都統國舅詳袞原作詳穩蕭必塔原作必塔爲副統

奚六部大王蕭博諾原作蒲奴爲都監以討之十一月乙卯

朔如顯陵丙寅以瀋州節度副使張傑爲節度使其防

城進士張人紀趙陸等二十二入朝試以詩賦皆賜

第超授保州戍將夏行美平章事壬申以駙馬劉四端

權知宣徽南院事十二月丁未宋遣仇永韓永錫來賀

千齡節命耶律育吳克荷蕭可觀趙利用充賀宋生辰

使副耶律元吉崔閏蕭珠克原作昭古寶振充來歲賀宋正

旦使

十年春正月乙卯朔宋遣王夷簡竇處約張易張士宜

來賀二月幸龍化州三月甲寅朔詳袞原作詳穩蕭必塔原作

敏原作敏至自遼東言都統蕭孝穆去城四面各五里許築城

堡以圍之駙馬延寧與其妹穴地道去惟公主吹巴勒

原作崔入在後爲守陴者覺而止夏四月如乾陵以耶律行

平爲廣平軍節度使夏行美爲忠順軍節度使李延宏

知易州蕭從順加太子太師五月戊申清暑柏坡秋七

月壬午詔來歲行貢舉法八月丙午東京賊將楊詳世

密送款夜開南門納遼軍擒延琳渤海平冬十月駐蹕

長寧淀十一月辛亥南京留守燕王蕭孝穆以東征將

士凱還戎服見上上太加宴勞翌日以孝穆爲東平王

東京留守國舅詳袞原作詳穩駙馬都尉蕭必塔原作必塔封蘭

陵郡王奚王博諾原作蒲奴加侍中以權燕京留守兼侍中

蕭惠爲燕京統軍使前統軍威烏克原作委宐大將軍節度

使宰相兼樞密使馬保忠權知燕京留守奚王府都監

蕭阿克展原作古軫東京統軍使詔渤海舊族有勲勞材

力者敘用餘分居來隰遷閭等州十二月乙巳宋遣梅

遼史卷十七
詢王令傑來賀千齡節漆水郡王耶律迪里原作敵烈加尙

父烏爾古原作烏古部節度使蕭布達原作普達為伊實原作乙室部

大王尙書左僕射蕭琳為臨海軍節度使

十一年春正月己酉朔如混同江二月如長春河三月上不豫夏五月大雨水諸河橫流皆失故道六月丁丑朔駐蹕大福河之北己卯帝崩于行宮年六十一在位四十九年景福元年閏十月壬申上尊諡曰文武大孝宣皇帝廟號聖宗

贊曰聖宗幼冲嗣位政出慈闈及宋人三道來攻親御甲冑一舉而復燕雲破信彬再舉而躡河朔不亦偉歟既而侈心一啟佳兵不祥東有茶陀之敗西有甘州之喪此狃於常勝之過也然其踐阼四十九年理冤滯舉才行察貪殘抑奢僭錄死事之子孫振諸部之貧乏責

迎合不忠之罪却高麗女樂之歸遼之諸帝在位長久令名無窮其唯聖宗乎

遼史卷十七

德陽劉子雄校字

成都方守道覆校

遼史卷十八

元中書右丞相總裁托克托等修

本紀第十八

興宗上

興宗神聖孝章皇帝諱宗真字雅布濟原作夷不董小字濟

古爾原作只骨聖宗長子母曰欽哀皇后蕭氏上始生齊天

皇后取養之幼而聰明長而魁偉龍顏日角豁達大度

善騎射好儒術通音律三歲封梁王太平元年冊為皇

太子十年六月判北南院樞密使事十一年六月己卯

聖宗崩即皇帝位於柩前壬午尊母元妃蕭氏為皇太

后甲申遣使告哀于宋及夏高麗是年御宣政殿放進

士劉貞等五十七人辛卯大赦改元景福乙未奉大行

皇帝梓宮殯于永安山太平殿辛丑皇太后賜駙馬蕭

楚布原作鈕蕭必塔原作匹敵死圍場都太師女直珠格爾

原作著右祇候郎君詳袞原作詳穩蕭雅嚕原作延留等七人皆

遼南籍其家遷齊天皇后于上京秋七月丙午朔皇太

后率皇族大臨于太平殿高麗遣使弔慰上召晉王蕭

布庫原作普古等飲博夜分乃罷丁未擊鞠戊申以耶律罕

巴原作韓入為左伊勒希巴原作夷特穆爾原作未里為左祇

候郎君詳袞原作詳穩橫帳郎君樂古權右祇候郎君詳袞

原作詳穩已酉以耶律哲魯原作鄭留為伊濟原作于厥德呼原作迪烈都

詳袞原作詳穩果巴原作高入為右皮室詳袞原作詳穩庚戌振薊州

民饑癸丑詔寫大行皇帝御容甲寅錄囚以觀察姚居

信為上將軍建慶州于慶陵之南徙民實之充奉陵邑

乙卯以比歲豐稔罷給東京統軍司糧丁巳上謁大行

皇帝御容哀慟久之因詔寫北府宰相蕭孝先南府宰

相蕭孝穆象于御容殿以蕭阿克展原作姑軫為東京留

守丁卯謁太平殿焚先帝所御弓矢幸晉王布庫原作普古

第視疾辛未錄囚壬申上謁神主帳時威原作奧隈蕭氏始

入宮亦命拜之八月壬午遷大行皇帝梓宮於敢塗殿

九月戊申躬視慶陵庚戌問安于皇太后辛亥宋遣王

隨曹儀致祭王駸許懷信梅詢張綸來慰兩宮范諷孫

繼業賀卽位孔道輔魏昭文賀皇太后冊禮戊午焚弧

矢鞍勒于敢塗殿庚申夏國遣使來慰庚午以宋使弔

祭喪服臨敢塗殿甲戌遣御史中丞耶律翥司農卿張

確詳袞原作詳穩耶律勵四方館使高維翰謝宋弔慰冬十

月戊寅宰臣呂德懋薨癸未殺哲伯埒原作不里黨彌勒

努原作勒奴觀音努原作音奴等丙戌遣工部尙書高德順

崇祿卿李可封致先帝遺物于宋以右領軍衛上將軍

耶律遜少府監馬憚充皇太后謝宋使右監門衛上將軍耶律元載引進使魏永充皇帝謝宋使丁酉夏國遣使來聘戊戌以蕭格原作趙爲果耶律郁馬保業充來歲賀宋正旦使閏月辛亥謁菽塗殿閱元宮闕器有司請以生辰爲永壽節皇太后生辰爲應聖節從之辛酉闕新造鎧甲丁卯振黃龍府饑民十一月壬辰上率百僚奠于菽塗殿出大行皇帝服御玩好焚之縱五坊鷹鵠甲午葬文武大孝宣皇帝于慶陵乙未祭天地問安皇太后丙申謁慶陵以遺物賜羣臣名其山曰慶雲殿曰望仙十二月癸丑至自慶陵皇太后聽政帝不親庶務羣臣表請不從是歲以興平公主下嫁夏國王李德昭子元昊以元昊爲夏國公駙馬都尉

重熙元年春正月壬申朔皇太后御正殿受帝與羣臣

朝宋遣任布王遵範陳琰王克善來賀乙亥宋遣鄭向

郭遵範來賀永壽節丁丑如雪林二月大蒐三月壬申

朔尙父漆水郡王迪里原作敵烈復爲特哩袞原作楊隱是春皇

太后誣齊天皇后以罪遣人卽上京行弒后請具浴以

就死許之有頃后崩夏四月乙巳清暑巴納登原作輦斗

秋七月獵平地松林以蕭達溥王英秀蕭麓張素羽充

來歲賀宋正旦生辰使八月丙午駐蹕喇原作河源皇

子洪基生冬十月己酉幸中京十一月己卯帝率羣臣

上皇太后尊號曰法天應運仁德章聖皇太后羣臣上

皇帝尊號曰文武仁聖昭孝皇帝大赦改元重熙癸未

宋遣劉隨王德本來賀應聖節以楊佶爲翰林承旨丙

戌夏國遣使來賀辛卯五國酋長來貢夏國王李德昭

薨冊其子夏國公元昊爲夏國王十二月庚戌宋遣胥

偃王從益崔暨張懷志來賀來歲正旦又遣楊日嚴王克纂來賀永壽節以北大王耶律求翰同平章事是年放進士劉師貞等五十七人

二年春正月庚辰東幸乙酉夏國遣使來貢壬辰女直於袞原作塔鴉克原押率所部來貢宋遣曹琮來告母后劉氏哀章得象安繼昌來饋母后遺物卽遣延昌宮使耶律壽寧給事中知制誥李奎充祭奠使天德軍節度使耶律卿寧大理卿和道亨河西軍節度使耶律嵩引進使馬世卿充兩宮弔慰使秋七月甲子朔以耶律楚高升耶律迪王惟允充兩宮賀宋生辰使副以耶律師古劉五常充賀宋來歲正旦使副八月丁酉幸溫泉宮乙卯遣使閱諸路禾稼冬十一月甲申宋遣劉寶符忘李昭述張茂實等來謝慰奠十二月乙未宋遣丁度

王繼凝來賀應聖節己酉禁夏鬪使沿路私市金鐵甲寅宋遣章頻李懿王冲睦張緯李絃李繼一來賀永壽節及來歲正旦庚申以北府宰相蕭孝先爲樞密使

三年春正月丁卯宋使章頻卒詔有司賻贈命近侍護喪以歸辛卯如春水三月壬辰以北院樞密使蕭布庫

原作大有侍襁褓原作耶部五月庚

恩詔入屬籍夏四月甲寅振尼瑪齊原作耶部迷只五月庚

申朔清暑沿柳湖是月皇太后還政于上躬守慶陵六

月己亥以蕭布庫原作普古爲南院樞密使秋七月戊子朔

上始親政以耶律庶徵劉六符耶律睦薄可久充賀宋

來歲正旦使副壬辰如秋山冬十月己未駐蹕中會川

十二月宋遣段少連杜仁贊來賀來歲正旦楊偕李守

忠來賀永壽節

四年春正月庚寅如尼瑪齊原作耶迷只里三月乙酉朔立

皇后蕭氏夏四月甲寅朔如涼陁五月庚子清暑散水

源六月癸丑朔皇子寶信原作寶信奴生以耶律信呂士

宗蕭袞郭揆充賀宋生辰及來歲正旦使副秋七月壬

午朔獵于黑嶺九月己酉駐蹕長寧淀冬十月如王子

城十一月壬午改南京總管府為元帥府乙酉行柴冊

禮于白嶺大赦加尙父耶律信寧政事令耶律求翰耆

宿贊翊功臣十二月癸丑詔諸軍礮弩弓劍手以時閱

習庚申宋遣鄭戩柴貽範楊日華張士禹來賀永壽節

及正旦

五年春正月甲申如魚兒樂樞密使蕭延寧請改國舅

伊實原作乙室小功帳做史為將軍從之四月庚申以潞王

察克原作查葛為南府宰相崇德宮使耶律瑪魯原作馬六為特

哩袞原作楊隱甲子幸后弟蕭無曲第曲水泛觴賦詩丁卯

頒新定條制己巳上與大臣分朋擊鞠五月甲午南幸

丁未如呼圖哩巴原作胡土白山清暑庚申幸北院大王果

實原作高十行帳拜奧賜銀絹壬戌詔修南京宮闕府署秋

七月辛丑錄囚耶律巴拜原作把入誣其弟韓格原作韓哥謀殺

已有司奏當反坐臨刑其弟泣訴臣惟一兄乞貸其死

上憫而從之九月癸巳獵黃花山獲熊三十六賞獵人

有差冬十月丁未幸南京辛亥曲赦析津府境內囚壬

子御元和殿以日射三十六熊賦幸燕詩試進士于廷

賜馮立趙徽四十九人進士第以馮立為右補闕趙徽

以下皆為太子中舍賜緋衣銀魚遂大宴御試進士自

此始宋遣宋郊王世文來賀永壽節甲子宰臣張儉等

請于禮部貢院歡飲至暮而罷賜物有差以耶律祥張

素民耶律甫王澤充賀宋生辰正旦使副

六年春正月丁丑西幸三月戊寅以秦王蕭孝穆為北

院樞密使徙封吳王晉王蕭孝先為南京留守夏四月

獵野狐嶺閏月獵龍門縣西山五月己酉清暑炭山以

耶律罕巴原作韓八為北院大王蕭巴噶原作把哥左伊勒希巴

原作夷王子郎君詳袞原作詳穩布古德原作姑得林牙簽北

面事耶律尼格原作涅哥同簽點檢司甲寅錄囚以南大王

耶律信寧故匿重囚及侍婢贓污命撻以劔脊而奪其

官都監坐阿附及侍婢罪皆論死詔貸之丙辰以耶律

信寧為西南路招討使庚申出飛龍廐馬賜皇太弟重

元及北面侍臣有差癸亥以上京留守耶律呼圖克琨

原作胡為南大王平章事蕭扎拉納原作刺寧上京留守

侍中管寧行宮都部署耶律普努寧原作奴寧烏爾古原作

鳥達魯特原作烈得都詳袞原作詳穩甲子以上京留守耶律

鴻觀原作洪古為北院大王六月壬申朔以善寧為殿前都

點檢護衛太保耶律和卓原作合住兼長寧宮使蕭額魯哩

原作阿耶律烏拉噶原作魯翰耶律和尙蕭罕嘉努原作韓家

刺里蕭托里原作特里蕭求翰為各宮都部署上酒酣賦詩吳

國王蕭孝穆北宰相蕭巴薩原作八撒等皆屬和夜中乃罷

己卯祀天地癸未賜南院大王耶律呼圖克琨原作胡

命上親製誥詞並賜詩以寵之丙申以北院大王浩善

原作侯為南京統軍使秋七月辛丑朔以北南樞密院獄

空賞賚有差壬寅以皇太弟重元生子賜詩及寶玩器

物曲赦死罪以下癸卯如秋山八月己卯北樞密院言

伊呀濟原作越棘部民苦其酋帥庫春原作坤長不法多流亡詔

罷伊呀濟原作越棘等五國酋帥以契丹節度使一員領之

冬十月癸酉駐蹕石寶岡十一月己亥朔準布原作阻酋
長來貢辛亥以契丹行宮都部署蕭惠為南院樞密使
壬子以管寧為南院樞密使蕭繼古原作掃古諸行宮都部
署耶律紐幹哩原作裏知南面行宮副部署蕭額魯哩原作
阿刺左祗候郎君詳袞原作詳穩耶律克酬原作曷主右祗候郎
君詳袞原作詳穩庚申幸晉國公主行帳視疾封皇子洪基
為梁王十二月以楊佶為忠順軍節度使遣耶律幹秦
鑑耶律德崔繼芳賀宋生辰及正旦
七年春正月戊戌朔宋遣高若納夏元正謝絳張茂實
來賀正旦及永壽節辛丑如混同江二月庚午如春州
乙亥駐蹕東川丁丑高麗遣使來貢壬午幸五坊闕鷹
鷲乙酉遣使慶州問安皇太后三月戊戌朔幸皇太弟
重元行帳壬寅如蒲河淀辛亥夏國遣使來貢甲寅錄

囚夏四月己巳以興平公主薨遣北院承旨耶律庶成
持詔問夏國王李元昊公主生與元昊不睦沒詰其故
己卯獵白馬場甲申射兔新淀并乙未獵金山遣楊家
進鹿尾茸于大安宮六月乙亥御清涼殿試進士賜邢
彭年以下五十五人第秋七月甲辰錄囚乙巳準布原作
阻酋長通特古斯原作秃古斯來朝戊申如黑嶺九月丁未
駐蹕平淀冬十月甲子朔渡遼河丙寅駐蹕白馬淀壬
申錄囚十一月癸巳朔以耶律元方張泥韓至德蕭傅
充賀宋生辰正旦使副辛丑問安皇太后進珍玩庚申
錄囚十二月召善擊鞠者數十人于東京令與近臣角
勝上臨觀之己巳以皇太弟重元判北南院樞密使事
北府宰相賽音巴寧原作入寧再任兼知東京留守事耶
律應穩南府宰相察噶北原作割折大內特哩袞原作楊隱伊

蘇濟勒原作乙帳蕭翰乾州節度使劉六符參知政事

王子帳冠格原作冠哥王子郎君詳袞原作詳穩吹綱原作鉏窘大王

平州節度使宰臣張克恭守司空宰臣韓紹芳加侍中

特哩袞原作楊隱耶律瑪魯原作馬六北院宣徽使傅父耶律吉

遜原作喜孫南府宰相癸未宋遣王舉正張士禹來賀永壽

節甲申命日進酒于大安宮致薦慶陵丁亥錄囚非故

殺者減科南面侍御準格爾原作壯詐取女直貢物罪

死上以有吏能黥而流之

八年春正月壬辰朔宋遣韓琦王從益來賀丙申如混

同江觀魚戊戌振丕勒原作部庚戌弋魚于實默里原作

率沒河丁已禁朔州鬻羊于宋二月丙子駐蹕長春河

夏六月乙丑詔括戶口秋七月丁巳謁慶陵致奠于望

仙殿迎皇太后至顯州謁園陵還京冬十月駐蹕東京

十一月甲午詔有言北院處事失平擊鐘及邀駕告者

悉以奏聞戊戌朝皇太后召僧論佛法戊申皇太后行

再生禮大赦己酉城長春閏十二月壬辰視吳國王蕭

孝穆疾宋遣龐籍杜贊來賀永壽節

九年春正月丙辰朔上進酒于皇太后宮御正殿宋遣

王拱辰彭再思來賀庚申如鴨子河二月駐蹕魚兒灤

三月辛未以應聖節大赦五月乙卯朔清暑永安山六

月射柳祈雨秋七月癸酉宋遣郭禎以伐夏來報遣樞

密使杜防報聘丁丑如秋山冬十月癸未朔駐蹕中會

川十一月甲子女直侵邊發黃龍府鐵驪軍拒之宋遣

蘇伸向傳範來賀應聖節十二月庚寅以北大王府布

魁原作布限帳郎君自言先世與國聯姻許置做史命本帳

蕭呼都克原作胡觀為之辛卯以所得女直戶置肅州以蕭

迪劉三嘏耶律元方王惟吉耶律庶忠孫文昭蕭紹筠
秦德昌充賀宋生辰及來歲正旦使副詔諸犯法者不
得為官吏諸職官非婚祭不得沈酗廢事有治民安邊
之略者悉具以聞

遼史卷十八

德陽劉子雄校字

成都方守道覆校

遼史卷十九

元中書右丞相總裁托克托等修
本紀第十九

興宗中

十年春正月辛亥朔宋遣梁適張從一富弼趙日宣來

賀甲子復遣吳育馮戴來賀永壽節二月庚辰朔詔博

囉滿達勒原作蒲盧毛朶部歸哈斯罕原作曷蘇館戶之沒入者使

復業甲申北樞密院言南北二王府泊諸部節度侍衛

祇候郎君皆出族帳既免與民戍邊其祇候事請亦得

以部曲代行詔從其請夏四月詔罷修鴨淥江浮梁及

漢兵屯戍之役又以東京留守蕭薩巴原作撒八言弛東京

擊鞠之禁六月戊寅以蕭寧耶律坦崔禹稱馬世良耶

律仁先劉六符充賀宋生辰使副耶律庶成趙成耶律

烈張旦充來歲賀宋正旦使副秋七月壬戌詔諸職官私取官物者以正盜論諸敢以先朝已斷事相告言者罪之諸帳郎君等於禁地射鹿決三百不徵償小將軍決二百以下及百姓犯者罪同郎君論八月丙戌以醫者鄧延貞治詳袞原作詳穩蕭留寧疾驗贈其父母官以獎之九月辛亥朝皇太后國舅留寧薨庚申皇太后射獲熊上進酒為壽癸亥上獵馬孟山草木蒙密恐獵者誤射傷人命耶律德古原作迪姑各書姓名于矢以志之丙寅夏國獻宋俘以石硬砮太保果桑原作郭三避虎不射免官冬十月丙戌詔東京留守蕭孝忠察官吏有廉幹清疆者具以名聞庚寅以女直太師塔雅克原作臺押為哈斯罕原作蘇館都大王辛卯以皇子庫魯噶里原作盧幹里生北宰相駙馬賽音巴寧原作八寧迎上至其第飲宴上命衛士

與漢人角觚為樂壬辰復飲皇太后殿以皇子生肆赦夕復引公主駙馬及內族大臣入寢殿劇飲甲午幸中京庚子以駙馬都尉蕭呼哩原作忽列為國舅詳袞原作詳穩十一月丙辰回鶻遣使來貢十二月丙子朔宋遣劉沆王整來賀應聖節乙未置拉卓卜原作朮朮酋長以和塔拉原作胡撻刺為平章事上聞宋設關河治壕塹恐為邊患與南北樞密吳國王蕭孝穆趙國王蕭固寧原作貫寧謀取宋舊割關南十縣地遂遣蕭英劉六符使宋庚寅宋遣張沔侯宗亮薛申侍其濬施昌言潘永照來賀永壽節及來歲正旦以宣政殿學士楊信為吏部尚書判順度軍節度使事丁酉議伐宋詔諭諸道

十一年春正月戊申奉迎皇太后于內殿庚戌遣南院宣徽使蕭特默原作特未翰林學士劉六符使宋取晉陽及

瓦橋以南十縣地且問興師伐夏及沿邊疏濬水澤增
益兵戍之故二月壬寅如鴛鴦灤四月甲戌朔頒南征
賞罰令六月乙亥宋遣富弼張茂實奉書來聘以書荅
之壬午御含涼殿放進士王實等六十四人禁擅銀鬻
入宋秋七月壬寅朔詔盜易官馬者減死論外路官勤
瘁正直者考滿代不治事者卽易之八月丙申宋復遣
富弼張茂實奉書來聘乞增歲幣銀絹以書荅之九月
壬寅遣北院樞密副使耶律仁先漢人行宮副部署劉
六符使宋約和是時富弼爲上言大意謂遼與宋和坐
獲歲幣則利在國家臣下無與與宋交兵則利在臣下
害在國家上感其言和好始定閏月癸未耶律仁先遣
人報宋歲增銀絹十萬兩匹文書稱貢送至白溝帝喜
宴羣臣于昭慶殿是日振恤三父族之貧者辛卯仁先

劉六符還進宋國誓書冬十一月丁亥羣臣加上尊號
曰聰文聖武英畧神功睿哲仁孝皇帝冊皇后蕭氏曰
貞懿宣慈崇聖皇后大赦梁王洪基進封燕國王十二
月癸卯朝皇太后甲辰封皇太弟重元子尼嚕古原作
涅魯
古爲安定郡王己酉以宣獻皇后忌日上與皇太后素
服飯僧于延壽憫忠三學三寺辛亥詔蠲預備伐宋諸
部租稅一年壬子以托歡原作
吐渾党項多鬻馬夏國詔謹
邊防己未宋遣賀正旦及永壽節使居邸帝微服往觀
丁卯禁喪葬殺牛馬及藏珍寶

十二年春正月辛未遣同知析津府事耶律迪里原作
敵烈
樞密院都承旨王惟吉諭夏國與宋和壬申以吳國王
蕭孝穆爲南院樞密使北府宰相蕭孝忠北院樞密使
封楚王韓國王蕭惠北府宰相同知元帥府事罕巴原作

韓南院大王耶律喇實原作遼西東京留守北院樞密副使

耶律仁先同知東京留守事北面林牙蕭格原作革北院

樞密副使甲戌如武清寨葦淀二月壬寅禁關南漢民

弓矢己酉夏國以加上尊號遣使來賀甲寅耶律迪里

原作敵烈等使夏國還奏元昊罷兵即遣使報宋三月辛卯

幸南京王辰高麗國以加上尊號遣使來賀夏四月己

亥置輝發原作回跋部詳袞原作詳穩都監庚子夏國遣使進馬

駝五月辛卯幹魯博囉滿達勒原作盧毛部二使來貢失

期宥而遣還乙未詔復定禮制是月幸山西六月丙午

詔世選宰相節度使族屬及身為節度使之家許葬用

銀器仍禁殺牲以祭庚戌詔漢人宮分戶絕恆產以親

族繼之辛亥準布原作阻卜大王通特古斯原作秃古斯弟太尉

薩哈勒原作葛里來朝丙辰回鶻遣使來貢甲子以南院

樞密使吳國王蕭孝穆為北院樞密使徙封齊國王秋

七月丙寅朔北院樞密使蕭孝忠薨特釋繫囚庚寅夏

國遣使上表請伐宋不從八月丙申謁慶陵辛丑燕國

王洪基加尚書令知北南院樞密使事封燕趙國王戊

午以前西北路招討使蕭塔喇噶原作烈葛為右伊勒索

巴原作商畢庚申裕悅原作于越耶律鴻觀原作洪古薨甲子準布

原作阻卜來貢九月壬申朝皇太后謁望仙殿壬午謁懷陵

冬十月丁酉駐蹕中會川己亥北院樞密使蕭孝穆薨

追贈大丞相晉國王庚子詔中路上重囚遣官詳讞辛

亥以參知政事韓紹芳為廣德軍節度使三司使劉六

符長寧軍節度使壬子以夏人侵党項遣延昌宮使高

嘉努原作家奴讓之甲子以北府宰相蕭惠為北院樞密

使幽王蘇克原作遂哥為特哩袞原作惕隱特哩袞原作惕隱達嚕噶

原作敵封漆水郡王西北路招討使樞密副使蕭阿拉
魯古同知北院宣徽事出飛龍廐馬分賜羣臣十一月
原作丁丑追封楚王蕭孝忠為楚國王丁亥以上京歲儉復
其民租稅癸巳朝皇太后十二月戊申改政事省為中
書省

十三年春正月甲子朔朝皇太后戊辰如混同江辛未
獵烏爾袞原作兀岡二月庚戌如魚兒濼丙辰以參知

政事杜防為南府宰相三月丁亥高麗遣使來貢以宣
正殿學士楊佖參知政事是月置契丹警巡院夏四月

己酉遣東京留守耶律浩善原作知黃龍府事耶律烏
魯斯原作歐將兵攻博囉滿達勒原作蒲部甲寅南院

大王耶律果實原作奏党項等部叛附夏國丙辰西南
面招討都監羅漢努原作羅詳袞原作鄂羅木原作韓

等奏山西郡族節度使屈烈以五部叛入西夏乞南北
府兵援送實威塞州戶詔富者遣行餘留屯田天德軍
五月壬戌朔羅漢努原作羅奏所發部兵與党項戰不
利招討使蕭布達原作四捷軍詳袞原作張佛努原作
奴歿于陣李元昊來援叛黨戊辰詔徵諸道兵會西南
邊以討元昊六月甲午準布原作酋長烏巴原作遣其
子執元昊所遣來援使阿雅噶原作來乞以兵助戰
從之駐蹕永安山以將伐夏遣延昌宮使耶律高嘉努
原作高告宋丙申詔前南院大王耶律古雲原作
都林牙耶律庶成等編集國朝上世以來事蹟丙午高
麗遣使來貢丁未錄囚秋七月辛酉香河縣民李宜兒
以左道惑眾伏誅庚午行再生禮庚辰夏國遣使來朝
八月乙未以夏使對不以情羈之丁巳夏國復遣使來

詢以事宜又不以實對答之九月戊辰宋以親征夏國
遣余靖致贐禮壬申會大軍于九十九泉以皇太弟重
元北院樞密使韓國王蕭惠將先鋒兵西征冬十月庚
寅祭天地丙辰獲党項偵人射鬼箭丁酉李元昊上表
謝罪己亥元昊遣使來奏欲收叛黨以獻從之辛亥元
昊遣使來進方物詔北院樞密副使蕭格原作逐之壬
子軍于河曲格原作言元昊親率党項三部來詔格原作
革詰其納叛背盟元昊伏罪賜酒許以自新遣之召羣
臣議皆以大軍既集宜加討伐癸丑督數路兵掩襲殺
數千人駙馬都尉蕭呼都克原作為夏人所執丁巳元
昊遣使以先被執者來歸詔所留夏使亦還其國十一
月辛酉賜有功將校有差甲子班師丁卯改雲州為西
京辛巳朝皇太后十二月己丑幸西京戊戌以北院樞

密副使耶律迪里

原作敵烈

為右伊勒希巴

原作夷

己亥高

麗遣使來貢戊申蕭呼都克

原作胡覲

自夏來歸

十四年春正月庚申以侍中蕭實喇

原作虛烈

為南院統軍

使封遼西郡王庚午如鴛鴦灤壬午以金吾衛大將軍

達嚕噶

原作魯古

為伊實

原作乙室

大王甲申夏國遣使進鶻

以常侍額古德

原作古得

戰沒命其子錫呼

原作習羅

為帥二

月庚子朝皇太后駐蹕薩喇

原作撒刺

灤三月己卯宋以伐

夏師還遣使來賀四月辛亥高麗遣使來貢閏五月癸

丑清暑永安山六月丁卯謁慶陵己卯準布

原作阻卜

大王

通特古斯

原作禿古斯

率諸酋長來朝庚辰夏國遣使來貢

辛巳以西南面招討使蕭布達

原作普達

戰沒贈同中書門

下平章事秋七月戊申駐蹕中會川冬十月甲子望祀

木葉山十一月壬午朔回鶻阿爾斯蘭

原作薩蘭

遣使來

貢甲辰以同知北院宣徽事蕭阿拉原作阿刺為北府宰相
十二月癸丑觀漢軍習礮射擊刺癸亥決滯獄

十五年春正月乙酉如混同江禁契丹以奴婢鬻與漢
人二月乙卯如長春河丙寅博囉滿達勒原作滿界海

蘭原作曷懶河戶來附詔撫之三月甲申朝皇太后乙酉以
應聖節減死罪釋徒以下辛卯朝皇太后丁酉高麗遣

使來貢詔諸道歲具獄訟以聞夏四月辛亥禁五京吏
民擊鞠戊午罷約尼原作遙輦帳戍軍壬戌以北女直詳袞

原作蕭郭囉為奚六部大王甲子清暑永安山甲
戌博囉滿達勒原作滿河百八十戶來附六

月癸丑以西京留守耶律瑪魯原作馬六為漢人行宮都部
署參知政事楊佶出為武定軍節度使戊辰御清涼殿
放進士王棠等六十八人甲戌西北路招討使耶律達

嚕噶原作魯古坐贓免官秋七月乙酉幽王蘇克原作遂哥薨

戊子觀獲乙未以北院宣徽使噶富原作旅墳為左伊勒希
巴原作夷前南府宰相耶律吉遜原作喜孫東北路詳袞原作

詳丙申籍諸路軍丁酉如秋山辛丑禁扈從踐民田丁
未以女直部長扎穆原作遮母率眾來附加太師八月癸丑

高麗王欽薨遣使來告九月甲辰禁以直網捕狐兔冬
十月己酉駐蹕中會川十一月丁亥以南院樞密使蕭

孝友為北府宰相契丹行宮都部署耶律仁先南院大
王北府宰相蕭格原作革同知北院樞密使事知伊勒希

巴原作夷事耶律信先漢人行宮都部署左伊勒希巴
原作夷噶富原作旅墳特哩袞原作揚隱漢人行宮都部署耶律

迪吉原作敵烈左伊勒希巴原作夷已亥渤海部以契丹戶
例通括軍馬乙巳振南京貧民十二月壬申曲赦徒以

遼史卷十九
下罪是日爲聖宗在時生辰

遼史卷十九

德陽劉子雄校字
成都方守道覆校

遼史卷二十

元中書右丞相總裁托克托等修

本紀第二十一

興宗下

十六年春正月己卯如混同江二月庚申如魚兒濼辛酉禁羣臣遇宴樂奏請私事詔世選之官從各部耆舊擇材能者用之三月丁亥如黑水濼癸巳遣使審決雙州囚壬寅大雪夏四月乙巳朔皇太后不豫上馳往視疾丙午皇太后愈復如黑水濼丁卯肆赦六月戊申清暑永安山丁巳準布原作阻大王通特古斯原作禿古斯來朝獻方物戊午詔士庶言事秋七月辛卯幸慶州自是月至于九月日射獵于楚布原作楚不溝實喇原作霞錫倫原作繫石塔諸山冬十月辛亥幸中京謁祖廟丙辰定公主行

婦禮于舅姑儀庚午鐵驪星莽原作仙門來朝以始入貢加
右監門衛大將軍十一月戊寅祠木葉山己丑幸中京
朝皇太后壬辰禁漏泄宮中事十二月辛丑朔女直遣
使來貢辛亥謁太祖廟觀太宗收晉圖癸丑問安皇太
后乙卯以太后愈雜犯死罪減一等論徒以下免庚申
南府宰相杜防韓紹榮奏事有誤各以大杖決之出防
為武定軍節度使壬戌高麗遣使來貢
十七年春正月丁亥如春水閏月癸丑射虎於哈爾吉
里原作侯二月辛巳振頁穩原作徹木衮原作部是月詔
士庶言國家利便不得及已事奴婢所見許白其主不
得自陳夏國王李元昊薨其子諒祚遣使來告即遣永
興宮使耶律紐幹哩原作右護衛太保耶律轄魯原作
將作少監王全慰奠二月癸卯以同知南京留守事蕭

塔喇噶原作塔為左伊勒希巴原作夷知右伊勒希巴
遣使上其父元昊遺物丁卯圖伯特原作國使來乞
以本部軍助攻夏國不許夏四月辛未武定軍節度使
杜防復為南府宰相丙子高麗遣使來貢甲申博囉滿
達勒原作蒲部大王佛寧原作以造舟人來獻六月庚
辰準布原作獻馬駝二萬辛卯長白山太師察克原作
輝發原作部太師薩喇圖原作來貢方物秋七月丁
未裕悅原作瑪摩約原作之子布格原作及伯哩
婆離原作八部伊勒希巴原作和費延原作等內附甲寅
錄囚減雜犯死罪八月丙戌復南京貧戶租稅戊子以
殿前都點檢耶律義先為行軍都部署中順軍節度使
夏行美副部署東北面詳衮原作耶律珠展原作為監

軍伐富珠哩原作蒲奴里會托多羅原作陶得里冬十月甲申南

院大王耶律罕巴原作韓八薨甲午駐蹕都爾嘉原作盧金十

一月乙未朔遣使括馬丁巳賜皇太弟重元金券封皇

子和囉噶原作魯幹為越王阿林原作阿璉許王忠順軍節度

使謝嘉努原作家奴陳王西京畱守特布原作貼不漢王特哩

袞原作楊隱富原作旅墳遼西郡王行宮都部署布古德原作別古

得柳城郡王奉陵軍節度使海古勒原作侯古饒樂郡王安

定郡王尼嚕古原作魯古進封楚王

十八年春正月甲午朔日有食之戊戌畱夏國賀正使

不遣己亥遣北院樞密副使蕭惟信以伐夏告宋辛丑

錄囚丙午如鴛鴦濼丙辰獵拜塔原作霸特山耶律義先奏

富珠哩原作奴里捷二月庚辰幸燕趙國王洪基帳視疾

乙酉耶律義先等執托多羅原作得里以獻二月乙巳高

昌國遣使來貢壬子以洪基疾愈赦雜犯死罪以下丁

巳烏爾古原作烏古遣使送款夏四月癸酉以南府宰相耶

律果實原作高十為南京統軍使五月甲辰五國會長各率

其部來附庚戌輝發原作回跋部長烏達台吉原作迭臺扎等來

朝戊午五國節度使耶律仙童以降烏爾古原作烏古叛人

授左監門衛上將軍六月壬戌朔以韓國王蕭惠為河

南道行軍都統趙王蕭孝友漢王特布原作貼不副之乙丑

錄囚丙寅行十二神燾禮己巳宋以遼師伐夏遣錢逸

致贐禮庚辰準布原作阻卜來貢馬駝珍玩辛巳夏國使來

貢留之不遣丁亥行再生禮秋七月戊戌親征八月辛

酉渡河夏人遁乃還九月丁未蕭惠等為夏人所敗冬

十月北道行軍都統耶律達嚕噶原作魯古率準布原作阻卜

諸軍至賀蘭山獲李元昊妻及其官僚家屬遇夏人三

千來戰殪之烏爾古原作烏古德呼原作敵烈部都詳衮原作詳穩蕭
慈實努原作慈氏奴南剋耶律幹里死焉十二月戊寅慶陵
林木火已卯錄囚有弟從兄為強盜者兄弟俱無子特
原其弟

十九年春正月庚寅僧惠鑑加檢校太尉庚子耶律達
嚕噶原作魯古復封漆水郡王諸將校及準布原作阻卜等部

會長各進爵有差贈蕭慈實努原作慈氏奴同中書門下平

章事辛丑遣使問罪于夏國壬寅如魚兒灤二月丁亥

夏將旺布原作汪普威赫原作猥貨伊特凌結原作靈紀乙等來攻金

肅城南面林牙耶律高嘉努原作高家奴等破之旺布原作汪普

被創遁去殺威赫原作猥貨伊特凌結原作靈紀乙三月戊戌殿

前都點檢蕭塔喇台原作塔里得與夏戰于三角川敗之癸

卯命西南招討使蕭博諾原作蒲奴北院大王伊遜原作宜新林

牙蕭薩滿原作撒抹等帥師伐夏以行宮都部署布古德原作

得別古監戰甲辰遣同知北院樞密使蕭格原作革按軍邊

城以為聲援己酉駐蹕息雞淀丙辰幸殿前都點檢蕭

塔喇台原作塔里得駙馬都尉蕭呼都克原作胡觀帳視疾夏四

月丙寅如魚兒灤壬申博囉滿達勒原作盧毛朵部特哩衮

原作楊隱錫都原作信篤來貢甲申高麗遣使來貢五月己丑如

涼陘癸巳蕭博諾原作蒲奴等入夏境不與敵遇縱軍俘掠

而還丁酉夏國旺布原作汪普來降己亥遠夷博索摩原作拔思

母部遣使來貢六月丙辰朔置倒塌嶺都監丙寅謁慶

陵庚午幸慶州謁大安殿壬申詔醫卜屠販奴隸及倍

父母或犯事逃亡者不得舉進士輝發原作回跋哈斯罕原作

館原作曷蘇博囉滿達勒原作盧毛朵部各遣使貢馬甲戌宋遣使

來賀伐夏捷高麗使俱至辛巳御金鑾殿試進士秋七

月壬辰駐蹕科里巴延原作括里蒲盤癸巳以燕趙國王洪基領北南樞密院乙未準布原作阻卜長和塔拉原作得刺弟鄂德原作幹得來朝加太尉遣之戊戌錄囚戊申以左伊勒希巴原作離畢蕭唐古為北院樞密副使壬子獵哈爾吉原作侯里八月丁卯準布原作阻卜酋長楚齊格爾巴爾斯原作魯斯里原作葛拔來朝九月壬寅夏人侵邊達嚕噶原作魯古遣六院軍將哈里原作海里擊敗之冬十月庚午還上京辛未夏國王李諒祚母遣使乞依舊稱藩使還詔諭別遣信臣詣闕當徐思之壬申釋臨潢府役徒甲戌如中會川十一月甲午準布原作阻卜酋長和塔拉原作得刺遣使來貢庚戌錄囚壬子出南府宰相韓知白為武定軍節度使樞密副使楊績長寧軍節度使翰林學士王綱澤州刺史張宥徽州刺史知制誥周白海北州刺史閏月乙卯以漢

王特布原作貼不為中京留守辛未以同知北院樞密使事蕭格原作革為南院樞密使南院大王耶律仁先知北院樞密使事封宋王十二月丁亥北府宰相趙王蕭孝友出為東京留守東京留守蕭塔喇噶原作塔列葛為北府宰相南院樞密使潞王察克原作查葛為南院大王庚戌韓國王蕭惠徙封魏王致仕壬子夏國李諒祚遣使上表乞依舊臣屬

二十年春正月戊戌駐蹕混同江二月甲申遣前北院都監蕭約噶原作友括等使夏國索党項叛戶己丑如蒼耳灤甲辰吐蕃遣使來貢三月壬子朔幸黑水夏五月癸丑蕭約噶原作友括等使夏還李諒祚母表乞如党項權進馬駝牛羊等物己巳夏國遣使求唐隆鎮及乞罷所建城邑以詔荅之六月丙戌詔以所獲李元昊妻及前後

所俘夏人安置蘇州以伐夏所獲物遣使遺宋秋七月
如秋山九月詔更定條制駐蹕中會川冬十月己卯朔
括諸道軍籍十一月庚申以特哩袞原作楊隱都監蕭穆嚕
原作為左伊勒希巴原作夷甲子命東京留守司總領
戶部內省事丁卯罷中丞記錄職官過犯令承旨總之
十二月乙酉以皇太后行再生禮肆赦

二十一年春正月辛亥如混同江二月如魚兒濼夏四

月癸未以國舅詳袞原作詳穩蕭阿拉原作阿刺為西北路招討

使封西平郡王六月丙子駐蹕永安山秋七月甲辰朔

召北府宰相蕭塔喇噶原作塔南府宰相漢王特布原作

不貼南院樞密使蕭格原作知北院樞密使事仁先等賜

坐論古今治道戊申祀天地己酉詔北南樞密院日再

奏事壬子追尊太祖之祖為簡獻皇帝廟號元祖祖妣

為簡獻皇后太祖之考為宣簡皇帝廟號德祖妣為宣

簡皇后追封太祖伯父額爾奇木原作夷揚珠原作為

蜀國王裕悅原作實嚕原作為隋國王以燕趙國王洪

基為天下兵馬大元帥知特哩袞原作事賜詔諭之癸

亥近侍實達爾原作鄂博原作偽學御畫免死配役終

身甲子如秋山戊辰謁慶陵以南院樞密使蕭格原作

為北院樞密使封吳王辛未如慶州壬申追封太祖弟

伊德實原作為許國王八月戊子太尉烏者薨詔配

享聖宗廟九月乙卯平州進白兔己未謁懷陵庚申追

上嗣聖皇帝天順皇帝尊諡及更諡彰德皇后曰靖安

癸亥諡齊天皇后曰仁德皇后甲子謁祖陵增太祖諡

大聖大明神烈天皇帝更諡貞烈皇后曰濬欽恭順皇

帝曰章肅后蕭氏諡曰和敬冬十月戊寅駐蹕中會川

丁亥夏國李諒祚遣使乞弛邊備即遣蕭約噶原作奉友括詔諭之戊子幸顯懿二州甲午遼興軍節度使蕭實喇原作虛烈封鄭王南院大王潞王察克原作查葛為南院樞密使進封越國王戊戌射虎于南薩哈巴原作葛柏辛丑謁乾陵十一月壬寅朔增諡文獻皇帝為文獻欽義皇帝及諡二后曰端順曰柔貞復更諡世宗孝烈皇后為懷節丁未增孝成皇帝諡曰孝成康靖皇帝更諡聖神宣獻皇后為睿智甲子次中會川回鶻阿爾斯蘭原作阿薩蘭遣使貢名馬文豹丙寅錄囚十二月戊戌以北府宰相塔喇噶原作烈葛為南京統軍使鄭王實喇原作虛烈北府宰相契丹行宮都部署耶律義先特哩袞原作惕隱釋役徒限年者

二十二年春正月乙巳如混同江二月丙子回鶻阿爾

斯蘭原作阿薩蘭為鄰國所侵遣使求援庚辰如春水三月

癸亥李諒祚以賜詔許降遣使來謝丙寅如黑水濼夏

四月戊子獵鶴淀五月壬寅詔內地州縣植果六月壬

申駐蹕呼哩原作胡呂山癸未高麗遣使來貢秋七月己酉

準布原作阻卜大王通特古斯原作禿古斯率諸部長獻馬馳庚

申如黑嶺閏月庚午烏爾古原作烏古來貢癸巳長春州置

錢帛司九月壬辰夏國李諒祚遣使進降表甲午遣南

面林牙高嘉努原作高家奴等奉詔撫諭冬十月丙申朔日

有食之十一月辛卯詔諸職事官以禮受代及以罪去

者置籍歲申樞密院十二月丙申朔詔回鶻部副使以

契丹人充庚子應聖節曲赦徒以下罪壬子詔大臣曰

朕與宋主約為兄弟歡好歲久欲見其繪像可諭來使

二十三年春正月己巳如混同江癸酉獵雙子淀戊子

夏國遣使貢方物壬辰如春水甲午獵盤直坡三月丁亥幸皇太弟重元帳夏四月癸卯高麗遣使來貢癸丑獵和濟格爾原作合只忽里五月己巳李諒祚乞進馬馳詔歲貢之庚寅駐蹕永安山壬辰夏國遣使來貢六月丙申如慶州己亥謁慶陵壬寅高麗王徽請官其子詔加檢校太尉辛亥吐蕃遣使來貢秋七月己巳夏國李諒祚遣使來求婚甲戌如秋山己卯詔八房族巾幘九月庚寅獵遇三虎縱犬獲之冬十月丁酉駐蹕中京戊戌幸新建祕書監辛丑有事于祖廟癸丑以開泰寺鑄銀佛像曲赦在京囚丙子李諒祚遣使進誓表十一月乙丑準布原作阻卜部長來貢壬申帝率羣臣上皇太后尊號曰仁慈聖善欽孝廣德安靜貞純懿和寬厚崇覺儀天皇太后大赦內外官進級有差癸未錄囚甲申羣臣上皇

帝尊號曰欽天奉道祐世興歷武定文成聖神仁孝皇帝冊皇后蕭氏曰貞懿慈和文惠孝敬廣愛崇聖皇后十二月丙申如中會川

二十四年春正月癸亥如混同江戊辰朝皇太后辛巳宋遣使來賀饋馴象二月己丑朔召宋使釣魚賦詩癸巳如長春河甲寅夏國遣使來賀三月癸亥皇太弟重元生子曲赦行在及長春鎮北二州徒以下罪夏五月駐蹕南崖秋七月壬午如秋山次南崖之北峪不豫八月丁亥疾大漸召燕趙國王洪基諭以治國之要戊子大赦縱五坊鷹鷂焚釣魚之具己丑帝崩于行宮年四十遺詔燕趙國王洪基嗣位清寧元年十月庚子上尊諡爲神聖孝章皇帝廟號興宗

贊曰興宗卽位年十有六矣不能先尊母后而尊其母

以致臨朝專政賊殺不辜又不能以禮幾諫使齊天死於弑逆有虧王者之孝惜哉若夫大行在殯飲酒博鞠豐見簡書及其謁遺像而哀慟受宋弔而衰絰所爲若出二人何爲其然歟至其感富弼之言而申南宋之好許諒祚之盟而罷西夏之兵邊鄙不聳政治內修親策進士大修條制下至士庶得陳便宜則求治之志切矣于時左右大臣曾不聞一賢之進一事之諫欲庶幾古帝王之風其可得乎雖然聖宗而下可謂賢君矣

遼史卷二十

德陽劉子雄校字
成都方守道覆校

遼史卷二十一

元中書右丞相總裁托克托等修
本紀第二十一

道宗一

道宗孝文皇帝諱洪基字納琳原作涅鄰小字察喇原作查刺興宗皇帝長子母曰仁懿皇后蕭氏六歲封梁王重熙十一年進封燕國總領中丞司事明年總北南院樞密使事加尙書令進封燕趙國王二十一年爲天下兵馬大元帥知特哩袞原作楊隱事預朝政帝性沈靜嚴毅每朝興宗爲之斂容二十四年八月己丑興宗崩卽皇帝位於柩前哀慟不聽政辛卯百僚上表固請許之詔曰朕以菲德託居士民之上第恐智識有不及羣下有未信賦斂妄興賞罰不中上恩不能及下下情不能達上凡爾

士庶直言無諱可則擇用否則不以爲愆卿等其體朕
意壬辰以皇太弟重元爲皇太叔免漢拜不名癸巳遣
使報哀于宋及夏高麗甲午遣重元安撫南京軍民戊
戌以遺詔命西北路招討使西平郡王蕭阿拉原作爲
北府宰相仍權知南院樞密使事北府宰相蕭寶喇原作
虛烈爲武定軍節度使辛丑改元清寧大赦九月戊午詔
常所幸圍場外毋禁庚申詔除護衛士餘不得佩刃入
宮非勳戚後及額爾奇木原作夷副使承應諸職事人
不得冠巾壬戌詔額爾奇木原作夷及副使之族并民
奴賤不得服塔納原作水獺裘刀柄兔鶻鞍勒佩子不
許用犀玉果勒圖原作犀惟大將軍不禁乙丑賜內外
臣僚爵賞有差庚午尊皇太后爲太皇太后辛未遣左
伊勒希巴原作夷蕭穆魯原作翰林學士韓運以先帝

遺物遺宋癸酉遣使以卽位報宋丙子尊皇后爲皇太
后宴鼓塗殿以上京畱守宿國王辰賚原作爲南京畱
守壬午遣使賜高麗夏國先帝遺物冬十月丁亥有司
請以帝生曰爲天安節從之以吳王仁先同知南京畱
守事陳王圖伯特原作塗爲南府宰相進封吳王壬寅
以順義軍節度使實神努原作十爲南院大王十一月
甲子葬興宗皇帝於慶陵宋及高麗遣使來會名其山
曰永興丙寅以南院大王海古勒原作爲中京畱守北
府宰相西平郡王蕭阿拉原作進封韓王壬申次懷州
有事於太宗穆宗廟甲戌謁祖陵戊寅冬至有事於太
祖景宗興宗廟不受羣臣賀十二月丙戌詔左伊勒希
巴原作夷曰朕以眇冲獲嗣大位夙夜憂懼恐弗克任
欲聞直言以匡其失今已數月未見所以副朕委任股

眩耳目之意其令內外百官比秩滿各言一事仍轉諭所部無貴賤老幼皆得直言無諱戊子應聖節上太皇太后壽宴羣臣命婦冊妃蕭氏爲皇后進封皇弟越王和囉噶原作和魯幹爲魯國王許王阿林原作阿璉爲陳國王楚王尼嚕古原作涅魯古徙封吳王辛卯詔部署院事有機密卽奏其投謗訕書輒受及讀者並棄市癸巳皇族實公原作十公悖母伏誅甲午以樞密副使姚景行爲參知政事翰林學士吳湛爲樞密副使參知政事同知樞密院事韓紹文爲上京畱守丙申宋遣歐陽修等來賀卽位戊戌紹設學養士頒五經傳疏置博士助教各一員癸卯以知涿州楊績參知政事兼同知樞密院事庚戌以聖宗在時生辰赦上京囚是年御清涼殿放進士張孝傑等四十四人

二年春正月丙辰詔州郡官及僚屬決囚如諸部族例已巳詔二孟古原作女古部與世預宰相節度使之選者免皮室軍是月幸魚兒樂二月乙酉以左伊勒希巴原作夷離畢蕭穆嚕原作謨魯知西南面招討都監事乙巳以興宗在時生辰宴羣臣命各賦詩三月丁巳應聖節曲赦百里內囚己卯御製放鷹賦賜羣臣諭任臣之意閏月己亥始行東京所鑄錢乙巳南京獄空進畱守以下官夏四月甲子詔曰方夏長養鳥獸孳育之時不得縱火於郊五月戊戌謁慶陵甲辰有事于興宗廟六月丁巳詔宰相舉才能之士戊午命有司籍軍補邊戌辛酉準布原作阻酋長來朝貢方物丁卯高麗遣使來貢辛未罷史官預聞朝議俾問宰相而後書乙亥中京蝗蝻爲災丙子詔強盜得實者聽諸路決之丁丑南院樞密使趙國王

察克原作查葛為上京留守同知南京留守事吳王仁先為

南院樞密使乙酉遣使分道平賦稅繕戎器勸農桑禁

盜賊八月辛未如秋山九月庚子幸中京祭聖宗興宗

於會安殿冬十月丙子如中會川十一月戊戌知左伊

勒希巴原作夷商畢事耶律華喇原作劃里為伊勒希巴原作夷商畢

北院大王耶律仙童知黃龍府事甲辰文武百僚上尊

號曰天祐皇帝后曰懿德皇后大赦乙巳以皇太叔重

元為天下兵馬大元帥徙封趙國王察克原作查葛為魏國

王魯國王和囉噶原作和魯幹為宋國王陳國王阿林原作阿璉

為秦國王吳王尼嚕古原作魯古進封楚國王百官進遷

有差十二月戊申朔以韓王蕭阿拉原作阿剌為北院樞密

使東京留守宿國王辰資原作陳留北府宰相宋國王和囉

噶原作和魯幹上京留守秦國王阿林原作阿璉知中丞司事甲

寅上皇太后尊號曰慈懿仁和文惠孝敬廣愛宗天皇

太后

三年春正月庚辰如鴨子河丙戌置倒塌嶺節度使乙

未五國部長來貢方物二月己未如大魚灤三月辛巳

以楚國王尼嚕古原作魯古為武定軍節度使夏四月丙

辰清暑永安山五月己亥如慶陵獻耐于金殿同天殿

六月辛未以魏國王察克原作查葛為特哩袞原作楊隱同知樞

密院事蕭唐古南府宰相魏國王特布原作貼不東京留守

秋七月甲申南京地震赦其境內乙酉如秋山八月辛

亥帝以君臣同志華夷同風詩進皇太后九月庚子幸

中會山冬十月己酉謁祖陵庚申謁讓國皇帝及世宗

廟辛酉奠耐于玉殿十一月丙子以左伊勒希巴原作夷商

畢原作蕭穆嚕謨魯為契丹行宮都部署庚子高麗遣使來

貢十二月庚戌禁職官於部內假貸貿易戊辰太皇太后不豫曲赦行在五百里內囚己巳太皇太后崩
四年春正月壬申朔遣使報哀于宋夏如鴨子河釣魚
癸酉宋遣使奉宋主繪像來丁亥知易州事耶律佛德原作頗得秩滿部民乞留許之二月丙午詔伊勒希巴原作夷離畢諸路鞠死罪獄具仍令別州縣覆案無冤然後決之
稱冤者卽具奏庚戌如魚兒灤三月戊寅募天德鎮武東勝等處勇捷者籍爲軍甲午肆赦夏四月甲辰謁慶陵丁卯宋遣使弔祭五月庚午朔上太行太皇太后尊諡曰欽哀皇后癸酉葬慶陵夏國高麗遣使來會乙酉如永安山清暑六月乙丑以北院樞密使鄭王蕭格原作革爲南院樞密使徙封楚王南院樞密使吳王仁先爲北院樞密使秋七月辛巳制諸掌內藏庫官盜兩貫以

上者許奴婢告壬午獵于黑嶺冬十月戊戌朔以同知東京留守事海古勒原作爲南院大王保安軍節度使希達原作爲奚六部大王十一月癸酉行再生及柴冊禮宴羣臣於八方陂庚寅御清風殿受大冊禮大赦以吳王仁先爲南京兵馬副元帥徙封隋王壬午謁太祖及諸帝宮丙戌祠木葉山禁造玉器十二月辛丑弛塔納原作水獺裘之禁乙巳許士庶畜鷹辛亥南院樞密使楚王蕭格原作復爲北院樞密使閏月己巳賜皇太叔重元金券是歲皇子濬生
五年春如春州夏六月甲子朔駐蹕納克原作灤己丑以南院樞密使蕭阿克蘇原作爲北府宰相樞密副使耶律伊遜原作南院樞密使特哩袞原作察克原作遼興軍節度使魯王謝嘉努原作武定軍節度使東京

畱守吳王特布原作貼不西京畱守秋七月丁酉以烏爾古

原作烏古德喀原作敵烈詳袞原作詳穩蕭穆魯原作謨魯為左伊勒希巴

原作烏古夷離畢冬十月壬子朔幸南京祭興宗於嘉寧殿十一

月禁獵十二月壬戌以北院林牙奚瑪魯原作馬六為右伊

勒希巴原作離畢參知政事吳湛以弟洵冒入仕籍削爵

為民是年上御百福殿放進士梁援等百一十五人

六年春如鴛鴦灤夏五月戊子朔監修國史耶律伯原作

白請編次御製詩賦仍命伯原作白為序己酉駐蹕納克

原作納葛灤六月戊午朔以東北路女直詳袞原作詳穩高嘉努

原作家奴為特哩袞原作惕隱壬戌遣使錄囚丙寅中京置國

子監命以時祭先聖先師癸未以隋王仁先為北院大

王賜御製誥冬十月甲子駐蹕藕絲淀原作乙辛知北院樞

七年春三月庚戌如春州以耶律伊遜原作乙辛知北院樞

密使事夏四月辛未禁吏民畜海東青鶻五月丙戌清

暑永安山丙午謁慶陵辛亥殺東京畱守陳王蕭阿拉

原作阿刺六月壬子朔日有食之甲子以蕭穆魯原作謨魯為順

義軍節度使丁卯幸宏義永興崇德三宮致祭射柳賜

宴賞賚有差戊辰行再生禮復命羣臣分朋射柳丁丑

以楚國王尼嚕古原作魯古知南院樞密使事秋九月丁

丑駐蹕藕絲淀冬十一月壬午以知黃龍府事耶律阿

勒扎原作里只為南院大王

遼史卷二十一

德陽劉子雄校字
成都方守道覆校

遼史卷二十一

元中書右丞相總裁托克托等修

本紀第二十二

道宗二

八年春正月癸丑如鴨子河二月駐蹕納克原作灤三

月戊申朔楚王蕭格原作革致仕進封鄭國王夏五月武

都温原作吾獨婉特哩袞原作惕隱圖圖爾噶原作屯禿葛等乞歲貢

馬駝許之六月丙子朔駐蹕圖古勒原作拖古烈辛丑以右

伊勒希巴原作夷離畢奚瑪魯原作馬六為奚六部大王是月御

清涼殿放進士王鼎等九十三人秋七月甲子射熊于

愛寶拉原作外室刺冬十月甲戌朔駐蹕都爾嘉原作盧金為北

二月庚辰以知北院樞密使事蕭特古斯原作圖古辭為北

院樞密使癸未幸西京戊子以皇太后行再生禮曲赦

西京囚

九年春正月辛亥幸鴛鴦灤辛未禁民鬻銅三月辛未
宋主禎殂以姪曙為子嗣位夏五月丙午以隋王仁先
為南院樞密使徙封許王是月清暑赫呀蘇原作曷里秋
七月丙辰如太子山戊午皇大叔重元與其子楚國王
尼嚕古原作涅魯古及陳國王辰祿原作陳六同知北院樞密使
事蕭呼都克原作胡觀衛王特布原作不林牙聶羅布爾古原作
溼刺統軍使蕭塔喇台原作迭駙馬都尉參及弟珠展
溼古原作溼古圖古勒原作圖骨旗鼓伊喇原作拽刺詳袞原作詳穩耶律果玠
木者原作木者文班太保希卜蘇原作奚叔內藏提點烏爾古原作烏骨護
衛左太保特卜庫原作不古敵諳達原作按塔副宮使罕嘉努原作
韓家寶神努原作神奴等凡四百人誘脅弩手軍犯行宮
時南院樞密使許王仁先知北樞密院事趙王耶律伊

遜原作乙辛南府宰相蕭唐古北院宣徽使蕭罕嘉努原作韓家
奴北院樞密副使蕭惟信敦睦宮使耶律良等率宿衛
士卒數千人禦之尼嚕古原作魯古躍馬突出將戰為近
侍詳袞原作詳穩渤海阿蘇原作阿斯護衛蘇射殺之己未族逆
黨家庚申重元亡入大漠自殺辛酉詔諭諸道壬戌以
仁先為北院樞密使進封宋王加尙父耶律伊遜原作乙辛
南院樞密使罕嘉努原作家奴殿前都點檢封荆王蕭惟
信耶律馮嘉努原作家奴並加太子太傅宿衛官蕭伊遜
原作乙辛回鶻海蘭原作海鄰紐幹哩原作裏里耶律托卜嘉原作不也
阿蘇原作阿斯宮分人濟嚕克原作里哥錫默原作霞抹伊遜原作乙辛
珠嚕原作只魯並加上將軍諸護衛及士卒庖夫弩手傘子
等三百餘人各授官有差耶律良密告重元變命籍橫
帳額爾奇木原作夷房為漢人行宮都部署癸亥特布

原作 貼不 訴為重元等所脅詔削爵為民流鎮州戊辰以黑

白羊祭天八月庚午朔遣使安撫南京吏民癸酉以永

興宮使耶律托卜嘉原作塔不也有定亂功為同知點檢司

事冬十月戊辰朔幸興王寺庚午以六院部太保耶律

和卓原作合未知南院大王事是月駐蹕藕絲淀十一月辛

丑以南院宣徽使蕭玖格原作九哥為北府宰相己未追封

故富春郡王耶律義先為許王是歲封皇子濬為梁王

十年春正月己亥北幸二月禁南京民決水種粳稻秋

七月壬申詔決諸路囚辛巳禁僧尼私詣行在妄述禍

福取財物九月壬寅幸懷州謁太宗穆宗廟冬十月壬

辰朔駐蹕中京戊午禁民私刊印文字十一月甲子定

吏民衣服之制辛未禁六齋日屠殺丁丑詔求乾文閣

所闕經籍命儒臣校讐庚辰以彰國軍節度使韓色實

原作謝十為特哩袞原作楊隱詔南京不得私造御用綵段私貨

鐵及非時飲酒命南京三司每歲春秋以官錢饗將士

十二月癸巳以北院大王蕭烏爾古納原作兀古匿為契丹

行宮都部署是歲南京西京大熟

咸雍元年春正月辛酉朔文武百僚加上尊號曰聖文

神武全功大略廣智聰仁睿孝天祐皇帝改元大赦冊

梁王濬為皇太子內外官賜級有差甲子如魚兒灤庚

寅詔諸遇正旦重午冬至別表賀東宮三月丁亥以知

興中府事楊績知樞密院事夏四月辛卯以知樞密院

事張嗣復疾改知興中府事庚子清暑圖古勒原作烈古烈

五月辛巳夏國遣使來貢秋七月丙子以皇太后射獲

熊賞賚百官有差八月丙申客星犯天廟詔諸路備盜

賊嚴火禁九月乙亥駐蹕藕絲淀丁丑左伊勒希巴原作

夷裔原縑古古為孟父常袞原冬十月丁亥朔幸醫

巫閭山己亥皇太后射獲虎大宴羣臣令各賦詩十一

月壬戌有星如斗逆行隱隱有聲十二月甲午以遼王

仁先為南京畱守徙封晉王辛亥以南京畱守蕭惟信

為左伊勒希巴原壬子熒惑與月並行自旦至午

二年春正月丁巳如鴨子河宋賀正使王巖卒以禮送

還癸未幸山榆淀二月甲午詔武定軍節度使姚景行

問以治道拜南院樞密使三月辛巳以東北路詳袞原

詳耶律韓福努原為北院大王壬午彗星見於西

方夏四月霖雨五月乙亥駐蹕圖古勒原辛巳以

戶部使劉詵為樞密副使六月丙戌回鶻來貢甲辰準

布原來貢秋七月癸丑朔以西北路招討使蕭珠展

原為北府宰相左伊勒希巴原蕭惟信南院樞

密使同知南院樞密使事耶律伯原特哩袞原丙

辰南院樞密使姚景行致仕庚申錄囚辛酉景行復前

職丁卯如藕絲淀以歲旱遣使振山後貧民九月壬子

朔日有食之以參知政事韓孚為樞密副使冬十二月

壬午以知樞密院事楊績為南院樞密使樞密副使劉

詵參知政事戊子僧守志加守司徒丁酉以西京畱守

和卓原為南院大王辛丑以蕭珠展原為武定軍

節度使是年御永安殿放進士張臻等百一人

三年春正月辛亥如鴨子河甲子御安流殿釣魚二月

癸亥宋主曙殂子頊嗣位遣使告哀即遣右護衛太保

蕭托卜嘉原翰林學士陳覺等弔祭閏月丁亥扈

駕軍營火賜錢粟及馬有差辛卯駐蹕春州北淀乙巳

以蕭烏爾古納原為北府宰相夏五月壬辰駐蹕

納克原作傑壬寅賜隨駕諸官工人馬六月戊申有司
納葛奏新城縣民楊從謀反僞署官吏上曰小人無知此兒
戲耳獨流其首惡餘釋之庚戌宋遣使饋其先帝遺物
辛亥宋以卽位遣陳襄來報卽遣知黃龍府事蕭特古
斯原作中書舍人馬鉉往賀壬戌南府宰相韓王蕭
古辭唐古致仕壬申以廣德軍節度使耶律瑞努原作為南
府宰相度支使趙徽參知政事秋七月辛丑熒惑晝見
凡三十五日九月戊戌認給諸路囚糧癸卯幸南京冬
十一月壬辰夏國遣使進回鶻僧金佛梵覺經十二月
丁未以參知政事劉詵為樞密副使東北路詳袞原作
果巴原作南院大王樞密直學士張孝傑參知政事己
酉以張孝傑同知樞密院事丁巳行再生禮赦死罪以
下是月夏國王李諒祚薨是歲南京旱蝗

四年春正月甲戌朔日有食之丙子如鴛鴦濼辛巳改
易州兵馬使為安撫使丁亥獵炭山辛卯遣使振西京
饑民二月甲辰朔詔元帥府募軍壬子夏國王李諒祚
子秉常遣使告哀癸丑頒行御製華嚴經贊丁卯北行
三月丙子遣使夏國弔祭甲申振應州饑民乙酉詔南
京除軍行地餘皆得種稻庚寅振朔州饑民乙未夏國
李秉常遣使獻其父諒祚遺物夏四月戊午阿爾斯蘭
原作回鶻遣使來貢五月丙戌駐蹕圖古勒原作
薩蘭六月壬子西北路雨穀方三十里丙寅以北院林牙耶
律卓克算原作為北院大王右伊勒希巴原作蕭素
趙三颯中京畱守秋七月壬申置烏爾古原作德喀原作
都統軍司丙子獵黑嶺是月南京霖雨地震九月己亥
駐蹕藕絲淀冬十月辛亥曲赦南京徒罪以下囚永清

武清安次固安新城歸義容城諸縣水復一歲租戊辰
冊李秉常為夏國王十二月辛亥夏國遣使來貢

五年春正月準布原作叛以晉王仁先為西北路招討

使領禁軍討之夏六月己亥駐蹕圖古勒原作拖古烈丙午

吐蕃遣使來貢壬戌以南院樞密使蕭惟信知北院樞

密使事秋七月乙丑朔日有食之戊辰夏國遣使來謝

封冊癸未詔禁皇族恃勢侵漁細民八月謁慶陵九月

戊辰仁先遣人奏準布原作捷冬十月己亥駐蹕藕絲

淀十一月丁卯詔四方館副使止以契丹人充丁丑五

國博和哩原作部阿里部叛命蕭素颯討之閏月戊申夏國

王李秉常遣使乞賜印綬己未僧志福加守司徒十二

月甲子行皇太子再生禮減諸路徒以下罪一等乙丑

詔百官廷議國政甲戌五國來降仍獻方物

六年春正月甲午如千鵝灤二月丙寅準布原作來朝

貢方物夏四月癸未西北路招討司以所降準布原作

酋長至行在五月甲辰清暑圖古勒原作拖古烈甲寅設賢

良科詔應是科者先以所業十萬言進六月辛巳準布

原作阻卜來朝乙酉以特哩袞原作楊隱耶律伯原作為中京留

守是月御永安殿放進士趙延睦等百三十八人秋七

月辛亥獵于和羅努克特原作合魯聶特八月丙子耶律伯原作

白薨追封遼西郡王九月庚戌幸藕絲淀甲寅以馬希

白詩才敏妙十吏書不能給召試之冬十月丁卯五國

部長來朝壬申西北路招討司擒準布原作酋長來獻

十一月乙卯禁鬻生熟鐵于回鶻準布原作等界十二

月戊午加圓釋法鈞二僧並守司空己未以坤寧節赦

徒罪以下辛酉禁漢人捕獵

七年春正月戊子如鴨子河二月乙丑女直進馬丙寅

以南院樞密使姚景行知興中府事三月己酉以討五

國功加知黃龍府事蒲延懷化軍節度使高元紀易州

觀察使高正並千牛衛上將軍五國節度使蕭托斯和

原作陶寧江州防禦使大榮並靜江軍節度使幸黑水

夏四月癸酉如納克原作納葛灤乙亥禁布帛短狹不中尺

度者六月己卯吐蕃來貢癸未南院大王果巴原作高八致

仕秋七月甲申朔以東北路詳袞原作詳穩哈爾吉原作合里只

為南院大王西南面招討使實德努原作得奴為奚六部

大王己丑遣使按問五京囚庚子如藕絲淀八月辛巳

置佛骨于招仙浮圖罷獵禁屠殺冬十月己卯如醫巫

闕山壬戌以南府宰相耶律瑞努原作藥奴為南京統軍使

戊辰謁乾陵庚辰詔百官廷議軍國事十一月戊子免

南京流民租己丑振饒州饑民丙午高麗遣使來貢十

二月壬子以契丹行宮都部署耶律呼圖克原作胡觀知北

院樞密使事知北院樞密使事蕭惟信為南府宰相兼

契丹行宮都部署丁巳漢人行宮都部署李仲禧北院

宣徽使劉霖樞密副使王觀都承旨楊興功各賜國姓

戊寅回鶻來貢是歲春州斗粟六錢

遼史卷二十二

德陽劉子雄校字

成都方守道覆校

遼史卷二十三
 元中書右丞相總裁托克托等修
 本紀第二十三
 道宗三
 八年春正月癸未烏爾古原作烏古德呼原作敵烈部詳袞原作詳穩
 耶律超原作巢等奏克北邊捷以戰多殺人飯僧南京中
 京甲申如魚兒灤壬寅昏霧連日二月丙辰北南樞密
 院言無事可陳壬戌以討北部功烏爾古原作烏古德呼原作敵烈
 部詳袞原作詳穩耶律超原作巢知北院大王事都監蕭阿
 魯岱原作魯帶烏爾古原作烏古德呼原作敵烈部詳袞原作詳穩加左
 監門衛上將軍戊辰歲饑免武安州租稅振恩蔚順惠
 等州民三月癸卯有司奏春泰寧江三州三十餘人願
 爲僧尼受具足戒許之夏四月壬子振義饒二州民丁

遼史卷二十三

元中書右丞相總裁托克托等修

本紀第二十三

道宗三

八年春正月癸未烏爾古原作烏古德呼原作敵烈部詳袞原作詳穩

耶律超原作巢等奏克北邊捷以戰多殺人飯僧南京中

京甲申如魚兒灤壬寅昏霧連日二月丙辰北南樞密

院言無事可陳壬戌以討北部功烏爾古原作烏古德呼原作敵烈

部詳袞原作詳穩耶律超原作巢知北院大王事都監蕭阿

魯岱原作魯帶烏爾古原作烏古德呼原作敵烈部詳袞原作詳穩加左

監門衛上將軍戊辰歲饑免武安州租稅振恩蔚順惠

等州民三月癸卯有司奏春泰寧江三州三十餘人願

爲僧尼受具足戒許之夏四月壬子振義饒二州民丁

已駐蹕圖塔

原作塔里捨

己卯清暑圖古勒

原作拖古烈

五月

壬午晉王仁先薨六月甲寅振易州貧民己未振中京

甲子振中興府甲戌封北府宰相楊績為趙王樞密副

使耶律觀參知政事兼知南院樞密使事丁丑高麗遣

使來貢秋七月己卯慶州靳文高八世同居詔賜爵丙

申振饒州饑民丁酉幸黑嶺丁未以御書華嚴經五頌

出示羣臣閏月辛未射熊于殺羊山八月庚辰混同郡

王海古勒

原作侯古

薨遣使致祭九月甲子駐蹕藕絲淀冬

十月己丑參知政事耶律觀矯制營私第降為庶人癸

巳回鶻來貢十一月庚戌免祖州稅丙辰大雪許民樵

採禁地丁卯賜延昌宮貧戶錢十二月戊辰漢人行宮

都部署耶律仲禧封韓國公樞密副使參知政事趙徽

出為武定軍節度使樞密副使柴德滋參知政事漢人

行宮副部署耶律大悲努

原作大悲奴

升都部署同知南院

樞密使事蕭罕嘉努

原作家奴

知左伊勒希巴

原作夷事

丁丑以坤寧節大赦庚寅賜高麗佛經一藏

九年春正月丁未如雙灤夏四月壬辰如旺國崖秋七

月甲辰獵大熊山戊申烏爾古

原作烏古

德呼

原作敵烈統軍言

八錫林

原作石烈

德呼

原作敵烈

人殺其節度使以叛己酉詔威

烏爾古

原作烏古

部軍分道擊之丙寅南京奏歸義涑水

兩縣蝗飛入宋境餘為蜂所食八月丙申以耶律仲禧

為南院樞密使九月癸卯駐蹕都爾嘉

原作盧金

幸陰山遂如西京十一月戊午詔行幸之地免租一年

甲子南院大王哈爾吉

原作里只

致仕十二月辛未以知

北院樞密使事耶律伊遜

原作宜新

為中京留守南院宣徽

使耶律薩喇

原作撒刺

為南院大王壬辰高麗夏國並遣使

來貢

十年春正月乙卯如鴛鴦灤二月癸未蠲平州復業民

租賦戊子準布原作阻來貢三月甲子如圖古勒原作古烈

以耶律超原作巢為北院大王夏四月旱辛未以奚人達

魯三世同居賜官旌之五月丙寅錄囚六月戊辰親出

題試進士壬申詔臣庶言得失丙子御永安殿策賢良

秋七月丙辰如秋山癸卯謁慶陵九月庚戌幸東京謁

二儀五鸞殿癸亥祠木葉山冬十月丁卯駐蹕藕絲淀

丁丑詔有司頒行史記漢書十一月戊午高麗遣使來

貢十二月辛巳改明年為太康大赦

太康元年春正月乙未如混同江壬寅振雲州饑二月

丁卯祥州火遣使恤災乙酉駐蹕大魚灤丁亥以獲鵝

加鷹坊使耶律揚魯原作楊六為工部尚書三月乙巳命皇

太子寫佛書夏四月丙子振平州饑乙酉如犢山閏月

丙午振平灤二州饑庚戌皇孫延禧生五月甲子賜妃

之親及東宮僚屬爵有差六月癸巳以興聖宮使奚謝

嘉努原作謝家奴知奚六部大王事戊戌知三司使事韓操

以錢穀增羨授三司使癸卯遣使按問諸路囚以特哩

衮原作楊隱大悲努原作大為始平軍節度使參知政事柴

德滋武定軍節度使乙卯吐蕃來貢丙辰詔皇太子總

領朝政仍戒諭之以武定軍節度使趙徽為南府宰相

樞密副使楊遵勗參知政事秋七月辛酉朔獵平地松

林丙寅振南京貧民八月庚寅朔日有食之九月乙亥

駐蹕藕絲淀己卯以南京饑免租稅一年仍出錢粟振

之冬十月西北路酋長希斯原作退拾吹丹原作離塔雙寬原作雙古

等來降十一月辛酉皇后被誣賜死殺伶人趙惟一高

長命並籍其家屬十二月己丑以南京統軍使耶律瑞

努原作為特哩衮原作漢人行宮都部署耶律霖樞密

副使同知東京留守事蕭道拉原作伊勒希巴原作

庚寅賜張孝傑國姓壬辰以西京留守事蕭雅嚕原作

為左伊勒希巴原作

二年春正月己未如春水庚辰駐蹕雙灤二月戊子振

黃龍府饑癸丑南京路饑免租稅一年三月辛酉皇太

后崩壬戌遣殿前副點檢耶律轄呼原作報哀于宋癸

亥遣使報哀于高麗夏國丁卯大赦戊寅以皇太后遺

物遣使遺宋夏六月乙酉朔上大行皇太后尊諡曰仁

懿皇后戊子宋及高麗夏國各遣使弔祭甲午葬仁懿

皇后于慶陵己亥駐蹕圖古勒原作壬寅出北院樞

密使魏王耶律伊遜原作為中京留守丁未册皇后蕭

氏封其父祇候郎君必埒哩原作為趙王叔西北路

招討使額哩頁原作遼西郡王漢人行宮都部署駙

馬都尉錫默原作柳城郡王參知政事楊遵勛知南院

樞密使事北院樞密副使蕭蘇色原作知北院樞密使

事漢人行宮副部署劉詵參知政事己酉南府宰相趙

徽致仕秋七月戊辰如秋山癸酉柳城郡王錫默原作

薨八月庚寅獵遇麋失其母憫之不射九月戊午以南

京蝗免明年租稅己卯駐蹕藕絲淀冬十月戊戌召中

京留守魏王耶律伊遜原作復為北院樞密使十一月

甲戌上欲觀起居注修注郎布當原作及和爾沁原作

等不進各杖二百罷之流林牙蕭巖壽於威原作

是月南京地震民舍多壞十二月己丑以左伊勒希巴

原作蕭托卜嘉原作為南院統軍使

三年春正月癸丑如混同江乙卯省諸道春貢金帛及
停周歲所輸尚方銀二月壬午朔東北路統軍使蕭罕
嘉努原作韓家奴加尙父封吳王甲申詔北院樞密使魏王
耶律伊遜原作乙辛同母兄達納原作大奴同母弟阿蘇原作阿思世
預北南院樞密之選其異母諸弟世預額爾奇木原作夷離
革之選已丑如魚兒濼辛卯中京饑罷巡幸夏四月乙
酉泛舟黑龍江五月丙辰玉田安次蝮傷稼癸亥日中
有黑子己巳駐蹕犢山乙亥北院樞密使耶律伊遜原作
乙奏右護衛太保察喇原作查刺等告北院樞密使蕭蘇色
速撒等八人謀立皇太子上以無狀不治出蘇色原作
等三人補外護衛薩巴原作撒撥等六人各鞭百餘徙于邊
丙子以西北路招討使遼西郡王蕭額哩頁原作里也爲
北府宰相兼知契丹行宮都部署事戊寅詔告謀逆事

者重加官賞六月己卯朔耶律伊遜原作乙辛令牌印郎君
蕭額圖瑋原作都幹誣首嘗預蘇色原作速撒等謀籍其姓名
以告卽命伊遜原作乙辛及耶律仲禧蕭額哩頁原作里也耶
律孝傑楊遵勛雅克原作燕哥綽奇原作抄只蕭錫沙原作十三等鞫
治杖皇太子囚之宮中辛巳殺宿直官德埒哩原作里刺
等三人壬午殺宣徽使托卜嘉原作不也等二人癸未殺
始平軍節度使薩喇原作撒刺等十人又遣使殺上京留守
蘇色原作速撒及已徙護衛薩巴原作撒撥等六人乙酉殺耶律
托卜嘉原作不也及其弟辰賚原作陳留丙戌廢皇太子爲庶
人囚之上京己丑回鶻來貢殺東京留守同知耶律和
勒博原作里不辛卯殺蘇色原作速撒等諸子籍其家戊申遣
使按五京諸道獄秋七月辛亥護衛太保察喇原作查刺加
鎮國大將軍預圖魯卜原作呂不部節度使之選室韋察

喇原作寶及蕭寶神努神奴穆爾古原作謀並加左衛

大將軍牌印郎君額圖瑋都幹尙皇女趙國公主授

駙馬都尉始平軍節度使祇候郎君耶律托卜嘉原作捷

也及蕭特古斯原作圖並加監門衛上將軍壬子知北

院樞密副使蕭罕嘉努原作韓為漢人行宮都部署乙

丑如秋山丁丑謁慶陵八月庚寅漢人行宮都部署蕭

罕嘉努原作韓薨辛丑謁慶陵九月癸亥玉田貢嘉禾

壬申修乾陵廟冬十月辛丑駐蹕藕絲淀十一月北院

樞密使耶律伊遜原作乙遣其私人盜殺庶人濬于上京

閏十二月戊午以北府宰相遼西郡王蕭額哩頁原作余

也知北院樞密使事左伊勒希巴原作夷耶律雅克原作

燕哥為契丹行宮都部署丙寅預行正旦禮是歲南京大

熟

四年春正月庚辰如春水甲午振東京饑二月乙丑駐

蹕薩古雅原作掃戊辰以東路統軍使耶律旺玖原作王

為特哩袞原作惕夏四月辛亥高麗遣使乞賜鴨綠江以

東地不許五月丙戌駐蹕散水原六月甲寅準布原作阻

諸酋長進良馬秋七月甲戌諸路奏飯僧尼三十六萬

八月癸卯詔有司決滯獄九月乙未駐蹕藕絲淀庚子

五國部長來貢冬十月癸卯以參知政事劉伸為保靜

軍節度使十一月丁亥禁士庶服用錦綺日月山龍之

文己丑回鶻遣使來貢庚寅南院樞密使耶律仲禧為

廣德軍節度使辛卯錦州民張寶四世同居命諸子三

班院祇候十二月丁卯以北院樞密副使耶律霖知北

院樞密使事

遼史卷一十二

德陽劉子雄校字
成都方守道覆校

遼史卷二十四

元中書右丞相總裁托克托等修
本紀第二十四

道宗四

五年春正月壬申如混同江癸酉賜宰相耶律孝傑名
仁傑乙亥如山榆淀三月辛未以宰相仁傑獲頭鵝加
侍中壬辰以北院樞密使魏王耶律伊遜原作乙辛知南院
大王事加裕悅原作于越知北院樞密使事耶律霖為北院
樞密使北院樞密副使耶律塔喇台原作特里底知北院樞
密使事左伊勒希巴原作夷離畢耶律世遷同知北院樞密
使事夏四月己未如納克原作燕葛樂五月丁亥謁慶陵以
契丹行宮都部署耶律雅克原作燕哥為南府宰相北面林
牙耶律永寧為伊勒希巴原作夷離畢同知南院樞密使事

蕭托卜嘉原作撻不也及殿前副點檢駙馬都尉蕭綽哈原作

酬並封蘭陵郡王六月辛亥準布原作阻卜來貢丁巳以北

府宰相遼西郡王蕭額哩頁原作余里也為西北路招討使

已未遣使錄囚是月放進士劉瓘等百一十三人秋七

月已卯獵夾山八月庚申命有司撰太宗神功碑立于

南京九月已卯詔諸路毋禁僧徒開壇壬午禁扈從擾

民冬十月戊戌夏國遣使來貢已亥駐蹕都爾嘉原作獨盧

金壬子詔惟皇子仍一字王餘並削降丁巳振平州貧

民已未以趙王楊績為遼西郡王魏王耶律伊遜原作乙辛

降封混同郡王吳王蕭罕嘉努原作家奴蘭陵郡王致仕

十一月丁丑召沙門守道開壇于內殿癸未復南京流

民差役二年被火之家免租稅一年十二月丙午彗星

犯尾乙卯幸西京戊午行再生禮赦雜犯死罪以下

六年春正月癸酉如鴛鴦灤辛卯耶律伊遜原作乙辛出知

興中府事二月庚寅封皇孫延禧為梁王忠順軍節度

使耶律頗德南院大王耶律仲禧南院樞密使戶部使

陳毅參知政事夏四月乙卯獵炭山五月壬申免平州

復業民租賦一年庚寅以旱禱雨命左右以水相沃俄

而雨降六月戊戌駐驛納克原作納葛灤戊申以度支使王

績參知政事庚戌女直遣使來貢秋七月戊辰觀市癸

未為皇孫梁王延禧設旗鼓伊喇原作拽刺六人衛護之甲

申獵沙嶺閏九月壬寅祠木葉山已酉駐蹕藕絲淀冬

十月已未朔省同知廣德軍節度使事命奉先軍節度

使兼巡警乾顯二州丁卯耶律仁傑出為武定軍節度

使庚午參知政事劉詵致仕癸酉以陳毅為漢人行宮

都部署王績同知樞密院事辛巳回鶻遣使來貢十一

月已丑朔日有食之癸卯召羣臣議政十二月甲子以

耶律塔喇台原作特里底為孟父常袞乙丑以蕭托卜嘉原作

也不為北府宰相耶律世遷知北院樞密使事耶律慎

思同知北院樞密使事庚午免西京流民租賦一年甲

戌減民賦丁亥豫行正旦禮戊子如混同江

七年春正月戊申五國部長來貢甲寅女直貢良馬二

月甲子如魚兒濼夏五月壬子駐蹕嶺西癸丑有司奏

永清武清固安三縣蝗甲寅以蕭托卜嘉原作撻不也兼殿

前都點檢蕭綽哈原作酬翰為漢人行宮都部署兼知樞密

院事六月甲子詔月祭觀德殿歲寒食諸帝在時生辰

及忌日詣景宗御容殿致奠丙寅準布原作阻卜余古納原作

古來貢丁卯以翰林學士王言敷參知政事封北院宣

徽使實都原作石篤漆水郡王秋七月戊子如秋山丙申謁

慶陵八月丁卯射鹿赤山加圍塲使涅葛為靜江軍節

度使九月戊子次懷州命皇后謁懷陵辛卯次祖州命

皇后謁祖陵乙巳駐蹕藕絲淀冬十月戊辰以特哩袞

原作賜隱旺玖原作王九為南院大王伊勒希巴原作夷商畢奚綽奇

原作抄只為彰國軍節度使十一月乙酉詔歲出官錢振諸

宮分及邊戍貧戶丁亥幸駙馬都尉蕭綽哈原作酬翰第方

飲宰相梁穎諫曰天子不可飲人臣家上即還宮己亥

高麗遣使來貢辛亥除帛絹尺度狹短之令十二月丁

卯武定軍節度使耶律仁傑以罪削爵為民辛未知興

中府事耶律伊遜原作乙辛以罪囚于來州

八年春正月甲申如混同江丁酉鐵驪五國諸長各貢

方物二月戊午如山榆淀辛酉詔北南院官凡給驛者

必先奏聞貢新及奏獄訟方許馳驛餘並禁之己巳夏

國獲宋將張天一遣使來獻壬申以耶律頗德為南府
宰相兼知北院樞密使雅克原作燕哥為特哩袞原作楊隱蕭托
卜嘉原作撻不也兼知契丹行宮都部署事三月庚戌黃龍
府女直部長鍾鼐原作朮乃率部民內附予官賜印綬是月
詔行柅黍所定升斗夏四月壬戌以耶律世遷為上京
留守六月辛亥朔駐蹕納克原作納葛灤丙辰夏國遣使來
貢丁巳以耶律頗德為北院樞密使耶律超格原作巢哥南
府宰相劉筠南院樞密使蕭托卜嘉原作撻不也兼知北院
樞密使事王績漢人行宮都部署蕭綽哈原作酬幹國舅詳
袞原作詳穩乙丑準布原作阻卜長來貢丙子以耶律慎思知右
伊勒希巴原作商畢事秋七月甲午如秋山南京霖雨沙
河溢永清歸義新城安次武清香河六縣傷稼九月庚
寅謁慶陵丁未駐蹕藕絲淀大風雪牛馬多死賜扈從

官以下衣馬有差冬十月乙卯詔華格原作化哥傳導梁王
延禧加金吾衛大將軍丙子謁乾陵十一月壬午以伊
實原作乙室大王蕭哈噶原作何葛為南院宣徽使權知奚六部
大王事圖罕原作圖趕為本部大王十二月癸丑烏爾古原作
烏德呼原作敵烈統軍使耶律瑪古原作馬五為北院大王庚申
降皇后為惠妃出居乾陵
九年春正月辛巳如春水夏四月丙午朔大雪平地丈
餘馬死者十六七五月如黑嶺六月己未駐蹕散水原
甲子以耶律阿蘇原作阿思為契丹行宮都部署耶律慎思
北院樞密副使庚午詔諸路檢括脫戶罪至死者原之
閏月丁丑以漢人行宮副部署汗努原作汗奴為南院大
王戊寅追諡庶人濬為昭懷太子丁亥準布原作阻卜來貢
己丑以知興中府事邢熙年為漢人行宮都部署漢人

行宮都部署王績爲南院樞密副使秋七月乙巳獵馬
尾山丁巳謁慶陵癸亥禁外官部內貸錢取息及使者
館于民家八月高麗王徽薨九月癸卯朔日有食之己
酉射熊于白石山加圍場使涅葛左金吾衛大將軍己
巳以高麗王徽子三韓國公勲權知國事辛未五國部
長來貢壬申召北南樞密院官議政事冬十月丁丑謁
觀德殿己卯南院樞密使劉筠薨壬辰混同郡王耶律
伊遜原作乙辛謀亡入宋伏誅十一月丙午進封梁王延禧
爲燕國王大赦以南院宣徽使蕭哈噶原作何葛爲南府宰
相三司使王經參知政事兼知樞密事甲寅詔僧善知
讐校高麗所進佛經頒行之己未定諸令史譯史遷敘
等級十二月丁亥以邢熙年知南院樞密使事辛卯以
王言敷爲漢人行宮都部署高麗三韓國公王勲薨是

年御前放進士李君裕等五十一人

十年春正月辛丑朔如春水丙午復建南京奉福寺浮

圖戊辰如山榆淀二月庚午朔蒙古原作萌古國遣使來聘

三月戊申遠蒙古原作萌古國遣使來聘丁巳命知制誥王

師儒牌印郎君耶律固傳導燕國王延禧夏四月丁丑

女直貢良馬五月壬戌駐蹕散水原乙丑準布原作阻卜來

貢丙寅降國舅詳袞原作詳穩班位在常袞原作徹穩之下六月

壬辰禁毀銅錢爲器秋七月甲辰如黑嶺九月癸亥駐

蹕藕絲淀冬十二月乙未改慶州太安軍曰興平是月

改明年爲大安赦雜犯死罪以下

大安元年春正月丁酉如混同江癸卯以王績知南院

樞密使事邢熙年爲中京留守戊申以樞密直學士杜

公謂參知政事庚戌五國酋長來貢良馬二月辛未如

山榆淀夏四月乙酉宋主頊殂子煦嗣位使來告哀辛
卯西幸六月戊辰駐蹕圖古勒原作拖古烈壬申以王績爲
南府宰相蕭托卜嘉原作撻不也兼知南院樞密使事丁丑
遣使弔祭于宋戊寅宋遣王真甄祐等饋其先帝遺物
秋七月乙巳遣使賀宋主卽位戊午獵于赤山八月丁
卯幸慶州戊辰謁慶陵冬十月癸亥駐蹕好草淀戊辰
夏國王李秉常遣使報其母梁氏哀甲申以蕭托卜嘉
原作撻不也爲南院樞密使十一月乙未詔比者外官因譽
進秩久而不調民被其害今後皆以資給遷轉丁酉以
南女直詳袞原作詳穩蕭伯哩原作袍里爲北府宰相辛亥史臣
進太祖以下七帝實錄丙辰遣使冊三韓國公王勳子
運爲高麗國王己未詔僧尼無故不得赴闕十二月甲
戌宋遣蔡卞來謝弔祭

二年春正月辛卯如混同江己酉五國諸部長來貢癸
丑召權翰林學士趙孝嚴知制誥王師儒等講五經大
義二月癸酉駐蹕山榆淀是月太白犯歲星三月乙酉
女直貢良馬夏四月戊戌北幸癸丑遣使加統軍使蕭
額圖瑋原作訛都斡太子太保裨將隆科原作老古金吾衛大將
軍蕭雅哥靜江軍節度使耶律約尼原作燕奴右監門衛大
將軍仍賜資諸軍士五月丁巳朔以牧馬蕃息多至百
萬賞羣牧官以次進階乙亥駐蹕納克原作納葛樂戊寅宰
相梁穎出知興中府事是月放進士張穀等二十六人
六月丁亥朔以左伊勒希巴原作夷商畢耶律坦爲特哩袞
原作惕隱知樞密院事耶律額特埒原作特刺兼知左伊勒希
巴原作夷商畢事丙申準布原作阻卜來朝癸卯遣使按諸路獄
甲辰以同知南京留守事耶律納延原作那也知右伊勒希

巴原作夷事乙巳準布原作阻卜酋長余古納原作古報及阿達

原作的來朝詔燕國王延禧相結為友戊申以契丹行宮

都部署耶律阿蘇原作阿思兼知北院大王事壬子高墩以

下縣令錄事兄弟及子悉許敘用秋七月丁巳惠妃母

燕國夫人錫庫原作削古以厭魅梁王事覺伏誅子蘭陵郡

王蕭綽哈原作酬幹除名置邊郡仍隸興聖宮戊午獵沙嶺

甲子賜興聖積慶二宮貧民錢乙酉出粟振遼州貧民

八月戊子以雪罷獵九月庚午還上京壬申發粟振上

京中京貧民丙子謁二儀五鸞二殿己卯出太祖太宗

所御鎧仗示燕國王延禧諭以創業征伐之難辛巳召

南府宰相議國政冬十月乙酉朔以樞密副使竇景庸

知樞密院事丙戌五國部長來貢丁亥以夏國王李秉

常薨遣使詔其子乾順知國事十一月甲戌為燕國王

延禧行再生禮出赦上京囚戊寅高麗遣使謝封冊癸

未出粟振乾顯成懿四州貧民十二月辛卯以蘭陵郡

王蕭托卜原作不也為南院樞密使己亥夏國王李乾

順遣使上其父遺物

遼史卷二十四

德陽劉子雄校字

成都方守道覆校

遼史卷二十五

元中書右丞相總裁托克托等修

本紀第二十五

道宗五

三年春正月乙卯如魚兒灤甲戌出錢粟振南京貧民
 仍復其租賦己卯大雪二月丙戌發粟振中京饑甲辰
 以民多流散除安泊逃戶徵償法三月乙卯高麗遣使
 來貢己未免錦州貧民租一年甲戌免上京貧民租如
 錦州庚辰女直貢良馬夏四月戊子賜中京貧民帛及
 免諸路貢輸之半丙申賜威烏爾古原作隈烏古部貧民帛
 庚子如涼陁甲辰南府宰相王績薨乙巳詔出戶部司
 粟振諸路流民及義州之饑五月庚申海雲寺進濟民
 錢十萬秋七月丙辰獵黑嶺丁巳出雜帛賜興聖宮貧

民庚午大雨罷獵丁丑秦越國王阿林原作阿璉薨九月乙

丑駐蹕錫里濟原作魯金冬十月庚辰以參知政事王經

為三司使壬辰罷節度使已下官進珍玩癸卯追封秦

越國王阿林原作阿璉為秦魏國王十一月甲寅以特哩衮

原作楊隱耶律坦同知南京留守事遼興軍節度使耶律旺

玖原作王九為南府宰相十二月己卯朔以樞密直學士呂

嗣立參知政事

四年春正月庚戌如混同江甲寅太白晝見甲子五國

部長來貢庚午免上京逋逃及貧戶稅賦甲戌以上京

南京饑許良人自鬻丁丑曲赦西京役徒二月己丑如

魚兒灤甲午曲赦春州役徒終身者皆五歲免己亥如

春州赦泰州役徒三月乙丑免高麗歲貢己巳振上京

及平錦來三州饑夏四月己卯振蘇吉復淶鐵五州貧

民并免其租稅甲申振慶州貧民乙酉減諸路常貢服

御物丁酉立入粟補官法癸卯西幸召樞密直學士耶

律儼講尚書洪範五月辛亥命燕國王延禧寫尚書五

子之歌乙卯振祖州貧民丁巳詔免役徒終身者五歲

免之己未振春州貧民丙寅禁挾私引水犯田六月庚

辰駐蹕散水原丁亥命燕國王延禧知中丞司事以同

知南院樞密使事耶律聶原作聶里知右伊勒希巴原作夷南

原作夷南知右伊勒希巴原作夷南事耶律納延原作那也同知南院

樞密使事庚寅北院樞密使耶律頗德致仕秋七月戊

申曲赦奉聖州役徒丙辰遣使冊李乾順為夏國王庚

申如秋山己巳禁錢出境八月庚辰有司奏宛平永清

蝗為飛鳥所食庚寅謁慶陵冬十月丁丑獵遼水之濱

己卯駐蹕藕絲淀癸未免百姓所貸官粟己丑知北院

樞密使事耶律阿蘇原作阿思封漆水郡王癸巳以伊實原作

室乙大王耶律迪里原作敵烈知西北路招討使事權知西北

路招討使事蕭休格原作朽哥知伊實原作乙室大王事壬寅詔

諸部長官親鞠獄訟十一月庚申興中府民張化法以

父兄犯盜當死請代皆免十二月戊寅南府宰相耶律

旺玖原作王九致仕癸未以孟父常袞耶律慎思為中京留

守閏十二月癸卯朔預行正旦禮丙午如混同江

五年春正月癸未如魚兒濼甲午高麗遣使來貢二月

癸酉詔析津大定二府精選舉人以聞仍詔諭學者當

窮經明道夏四月甲辰以知奚六部大王事涅葛為本

部大王壬子獵北山甲子霖雨罷獵五月丁亥駐蹕齊

老原作赤勒嶺己丑以準布原作阻卜磨古斯為諸部長癸巳回

鶻遣使貢良馬己亥以同知南院樞密使事耶律納延

原作那也知右伊勒希巴原作高畢事左祗候郎君班詳袞原作

穩耶律聶崙原作涅里知北院大王事六月甲寅夏國遣使

來謝封冊壬戌以參知政事王言敷為樞密副使前樞

密副使賈士勳參知政事兼同知樞密院事秋七月庚

午獵沙嶺九月辛卯遣使遺宋鹿脯壬辰駐蹕藕絲淀

冬十月乙巳以新定法令太煩復行舊法庚申以遼興

軍節度使哈噶原作何葛為伊實原作乙室大王十一月丁丑朔

燕國王延禧生子大赦妃之族屬進爵有差

六年春正月如混同江二月辛丑駐蹕雙山三月辛未

女直遣使來貢夏四月丁酉東北路統軍司設掌法官

庚子以同知南院樞密使事耶律托多原作吐柔知左伊勒

希巴原作高畢事五月壬辰駐蹕散水原六月甲寅遣使

決五京囚秋七月丙子如黑嶺冬十月丁酉駐蹕藕絲

遼十一月壬戌高麗遣使來貢己巳以南府宰相竇景庸爲武定軍節度使是年放進士文充等七十二人七年春正月壬戌如混同江二月己亥駐蹕魚兒灤壬寅詔給渭州貧民耕牛布絹三月丙戌駐蹕黑龍江夏四月丙辰以漢人行宮副部署耶律古雲原作谷欲知伊實原作乙室大王事五月己未朔日有食之六月甲午駐蹕齊老原作赤勒嶺己亥倒塌嶺人進古鼎有文曰萬歲永爲寶用辛丑回鶻遣使貢方物癸卯以權知東京留守蕭托輝原作陶隗爲契丹行宮都部署丁未端拱殿門災秋七月戊午朔回鶻遣使來貢異物不納厚賜遣之八月庚寅以霖雨罷獵壬寅幸慶州謁慶陵九月丙申還上京己亥日本國遣鄭元鄭心及僧應範等二十八人來貢冬十月辛巳命燕國王延禧爲天下兵馬大元帥總北南

院樞密使事十一月庚子如藕絲淀甲子望祠木葉山八年春正月乙酉如山榆淀乙未準布原作阻卜諸長來降三月己亥駐蹕圖塔實原作里捨淀丁未曲赦中京蔚州役徒夏四月乙卯準布原作阻卜長來貢丁丑獵西山特哩原作袞惕隱酋長呼喇濟原作里只來附五月甲辰駐蹕齊老原作赤勒嶺六月乙丑夏國爲宋侵遣使乞援秋七月丁亥獵沙嶺九月乙巳駐蹕藕絲淀丁未日本國遣使來貢冬十月庚戌朔遣使遺宋鹿脯丙辰振西北路饑辛酉準布原作阻卜磨古斯殺金吾特古斯原作吐古斯以叛遣奚六部圖哩原作秃里耶律果桑原作郭三發諸蕃部兵討之壬申南府宰相王荆薨戊寅以左伊勒希巴原作高畢耶律聶哱原作聶里爲彰聖軍節度使十一月戊子以樞密副使王是敦兼知樞密院事權參知政事韓資讓參知政事漢人

行宮都部署奚和勒博原作同知奚六部大王事丁酉

以通州潦水害稼遣使振之戊申北院大王赫嚕原作合魯

薨是年放進士冠尊文等五十三人

九年春正月庚辰如混同江二月磨古斯來侵三月西

北路招討使耶律和囉木薩噶原作阿魯掃古追磨古斯還都

監蕭章吉特原作張九遇賊與戰不利二室韋伊喇原作北

王府特們原作特滿羣牧宮分等軍多陷沒夏四月乙卯興

中府甘露降遣使祠佛飯僧癸酉獵西山六月丁未朔

駐蹕散水原庚申以遼興軍節度使榮格原作榮哥為南院

大王知左伊勒希巴原作夷離畢事耶律托多原作秃朶為左伊

勒希巴原作夷離畢秋七月辛卯如黑嶺壬寅遣使賜高麗

羊九月癸卯振西北路貧民冬十月庚戌有司奏磨古斯詣西北路招討使耶律托卜嘉原作捷不也偽降既而乘

虛來襲托卜嘉原作捷不也死之準布原作阻卜烏古察原作烏古禮

叛達勒達原作達里底博索摩原作思母並寇倒塌嶺壬子遣

使籍諸路兵癸丑以南院大王特默原作特末同知南京留

守事命辰嘉努原作陳家奴率兵往援倒塌嶺甲寅駐蹕藕

絲淀以左伊勒希巴原作南畢耶律托多原作秃朶圍場都管

薩巴原作撒入並為西北路行軍都監乙卯詔以馬三千給

烏爾古原作烏古部丙辰有司奏準布原作阻卜長希達原作轄底掠

西路羣牧丁巳振西北路貧民己未燕國王延禧生子

肆赦妃之族屬並進級壬戌以樞密直學士趙廷睦參

知政事兼同知南院樞密使事癸亥烏爾古原作烏古德略

原作敵烈統軍使蕭休哥原作朽哥奏討準布原作阻卜等部捷甲子

宋遣使告其母后曹氏哀即遣使弔祭己巳詔廣積貯

以備水旱十一月辛巳特默原作特末等奏討準布原作阻卜捷

十二月丙辰宋遣使以母后遺留物來饋

十年春正月如春水癸未提克德原作來貢戊子烏古

察原作鳥等來降達勒達原作達博索摩原作二部

來侵四捷軍都監特默原作死之二月甲辰以破準布

阻原作賞有功者丙午西南面招討司奏討博索摩原作

母捷癸丑巴雅爾布琳原作排通古原作和克原作布

格原作等來降達勒達原作達來侵三月壬申朔日有

食之山北路副部署蕭阿嚕岱原作阿奏討達勒達原

底達里捷夏四月壬寅朔提克德原作敏達蘇原作魯

克都原作老等各率所部來附詔復舊地甲辰駐蹕春

州北平淀丙午烏爾古原作部節度使耶律辰家努原

耶律額特塔原作為都統伊勒希巴原作耶律托

多原作為副統龍虎衛上將軍耶律呼哩原作都監討

磨古斯遺積慶宮使蕭扎里原作監戰辛亥休格原作

奏伯哩原作八部來侵擊破之己巳除玉田密雲流民

租賦一年閏月庚子賜西北路貧民錢達勒達原作

博索摩原作二部來降五月甲辰駐蹕齊老原作嶺

甲寅括馬戊午西北路招討司奏德喙原作等部來侵

統軍司出兵與戰不利招討司以兵擊破之敦睦宮太

師耶律愛努原作及其子死之辛酉以知國舅詳袞原

使來謝弔祭乙酉烏爾古原作德喙原作統軍使休格

克德原作來貢己亥禁邊民與蕃部為婚是夏高麗國

王運薨子昱遣使來告即遣使賻贈秋七月庚子朔獵

赤山是月準布原作阻卜等寇倒塌嶺盡掠西路羣牧馬去
東北路統軍使耶律實嚕原作石柳以兵追及盡獲所掠而
還九月己未以南院大王特默原作特末為南院樞密使甲
子德略原作敵烈諸酋來降釋其罪是月額特埒原作特埒破
磨古斯冬十月丙子駐蹕藕絲淀壬午山北路副部署
蕭阿嚕岱原作魯帶以討達勒達原作達里底功加左金吾衛
上將軍癸巳西北路統軍司獲準布原作阻卜長博碩和原作
柏撒原作葛富魯原作蒲魯等來獻十一月乙巳提克德原作楊德通古
銅副原作阻準布原作阻卜迪里原作烈等來降達勒達原作里底及博
索摩原作思母復來侵山北副部署阿嚕岱原作魯帶擊敗
之十二月癸酉三河縣民孫賓及其妻皆百歲復其家
甲戌以參知政事趙廷睦兼同知樞密院事樞密副使
王師儒參知政事兼同知樞密院事己卯詔錄西北路

有功將士及戰沒者贈官乙酉詔改明年元減雜犯死
罪以下仍除貧民租賦戊子西北路統軍司奏討磨古
斯捷

遼史卷二十五

德陽劉子雄校字
成都方守道覆校

遼史卷二十六

元中書右丞相總裁托克托等修

本紀第二十六

道宗六

壽隆元年春正月己亥如混同江庚戌西南面詔討司

奏博索摩原作拔思母來侵蕭阿魯岱原作阿魯帶等擊破之乙

卯振奉聖州貧民二月戊辰賜左右二皮室貧民錢癸

酉高麗遣使來貢乙亥駐蹕魚兒濼三月丙午賜東北

路貧民絹夏四月丁卯額特埒原作特刺奏討額特格爾

原作耶捷乙亥女直遣使來貢庚寅錄西北路有功將

士五月乙未朔以左伊勒希巴原作夷耶律托多原作吐朶

為特哩袞原作楊隱南京宣徽使耶律特默原作特未為北院大

王癸卯贈陣亡者官丁巳駐蹕特哩原作禮嶺六月己巳

以知奚六部大王事和勒博原作回為本部大王權參
知政事趙孝嚴為漢人行宮都部署圍場都管薩巴原作
撒以討準布原作功加鎮國大將軍癸巳準布原作長
約羅岱原作及塔瑪噶原作來貢秋七月庚子準
布原作長敏達蘇原作等來貢癸卯獵沙嶺癸丑伯
哩原作八部來附進方物甲寅額特埒原作奏討磨
古斯捷九月甲寅祠木葉山丙辰詔西京礮人弩人教
西北路漢軍冬十月甲子駐蹕藕絲淀甲戌以北面林
牙耶律大悲努原作為右伊勒希巴原作癸未以
參知政事王師儒為樞密副使漢人行宮都部署趙孝
嚴參知政事壬辰錄討準布原作有功將士十一月丙
申女直遣使進馬己亥以都統額特埒原作為西北
路招討使封漆水郡王甲辰夏國進貝多葉佛經庚申

高麗王昱疾命其子顯權知國事十二月癸亥朔以知
北院樞密使事耶律阿蘇原作為北院樞密使是年放
進士陳衡甫等百三十人

二年春正月甲午如春水癸卯西南面招討司討博索
摩原作破之乙卯駐蹕錫訥蘇原作辛酉市牛給
烏爾古原作德埒原作威烏爾古原作部貧民二月
癸亥振達木琳巴古原作部夏四月己卯振西北
邊軍六月辛酉駐蹕薩拉納原作秋七月甲午準布
阻原作來貢丙午獵赤山八月乙丑伯哩原作八部進馬
九月丙午徙烏爾古原作德埒原作部于烏納水以扼
北邊之衝冬十月戊辰駐蹕藕絲淀庚辰高麗遣使來
貢十二月己未額特埒原作討默爾古原作破之
壬戌南府宰相耶律都勒幹原作致仕癸亥以蕭托

卜嘉原作捷不也為北府宰相耶律大悲努原作大悲奴殿前都

點檢乙亥夏國獻宋俘

三年春正月丁亥如春水壬寅烏爾古原作烏古部節度使

耶律辰嘉努原作陳家奴以功加尚書右僕射癸卯駐蹕雙

山二月丙辰朔南京水遣使振之閏月丙午準布原作阻卜

長穆色克原作撒葛年布爾古原作八葛長托果斯原作骨撒

默爾吉原作里急長呼喇巴原作魯八等請復舊地貢方物

從之三月辛酉燕國王延禧生子癸亥賜名塔魯原作捷魯

妃之父長格原作長哥遷左監門衛上將軍仍賜官屬錢是

春高麗王昱薨夏四月南府宰相趙廷睦出知興中府

事參知政事牛溫舒兼同知樞密院事五月癸亥額特

埒原作特刺討準布原作阻卜破之己巳駐蹕薩拉納原作里乃

六月甲申詔罷諸路馳驛貢新丙戌詔每冬駐蹕之所

宰相以下構宅母役其民辛丑夏人來告宋城要地遣

使之宋諭與夏和庚戌以契丹行宮都部署耶律烏頁

原作吾也為南院大王秋七月壬子朔獵黑嶺八月己亥博

囉滿達勒原作盧毛朶部長率其民來歸乙巳彗星見西方

九月壬申駐蹕藕絲淀丁丑以武定軍節度使梁援為

漢人行宮都部署戊寅額特埒原作特刺奏討默爾吉原作海里

捷已卯五國部長來貢冬十月庚戌以西北路招

討使額特埒原作特刺為南府宰相十一月乙卯博囉滿

達勒原作盧毛朶部來貢戊午以安車召醫巫闞山僧志達

己未以中京留守韓資讓知樞密院事同知南院樞密

使事蕭藥師努原作藥師奴知右伊勒希巴原作夷離畢事丁丑

西北路統軍司奏討默爾吉原作里急捷

四年春正月壬子如魚兒灤己巳徙準布原作阻卜等貧民

于山前辛未宋遣使來饋錦綺三月庚午幸春州丙子
 有司奏黃河清夏四月辛丑以雨罷獵五月癸酉納延
 那原作奏北邊捷甲戌駐蹕薩拉納原作六月戊寅朔
 夏國為宋所攻遣使求援丁亥以遼興軍節度使聶嘑
 原原作為特哩袞原作前知特哩袞原作事耶律果桑原作
 郭三為南京統軍使甲午以參知政事牛温舒兼知中京
 留守事秋七月戊午如黑嶺冬十月乙亥朔駐蹕藕絲
 淀己卯以南府宰相額特埒原作兼契丹行宮都部
 署以傳導燕國王延禧十一月乙巳朔知右伊勒希巴
 原原作事蕭藥師努原作樞密直學士耶律儼使宋
 諷與夏和辛酉夏復遣使求援十一月壬辰為燕國王
 延禧行再生禮曲赦三百里丙辰
 五年春正月乙巳如魚兒灤乙丑詔夏國王李乾順伐

博索摩原作等部夏五月壬戌藥師努原作等使
 宋迴奏宋罷兵癸亥謁乾陵戊辰以南府宰相額特埒
 原原作兼西北路招討使禁軍都統己巳駐蹕汾柳湖
 六月甲申以奚六部大王和勒博原作為契丹行宮
 都部署知右伊勒希巴原作事蕭藥師努原作南
 面林牙兼知契丹行宮都部署事乙未五國部長來朝
 戊戌準布原作來貢己亥以興聖宮使耶律赫嘉努原作
 原原作為右伊勒希巴原作秋七月壬寅朔提克德原作
 德長托迪原作等來貢辛亥如達里庫原作山閏九
 月丙子駐蹕都爾嘉原作冬十月己亥朔高麗王顯
 遣使乞封冊丁巳額特埒原作奏討額特格爾原作
 剽捷丙寅以同知南京留守事蕭塔喇台原作知北
 院樞密使事丁卯宋遣郭知章曹平來聘戊辰振遼州

饑仍免租賦一年十一月甲戌振南北二糶乙酉夏國
以宋罷兵遣使來謝十二月甲子以參知政事趙孝嚴
爲漢人行宮都部署漢人行宮都部署梁拔爲遼興軍
節度使

六年春正月癸酉南院大王耶律烏頁原作吾也薨壬午以

太師致仕托海原作禿開起爲奚六部大王丁亥如春水辛

卯額特埒原作特刺執磨古斯來獻丙申詔問民疾苦二

月丁未以烏爾古原作烏古部節度使辰嘉努原作陳家奴爲南

院大王己酉磔磨古斯于市癸丑出絹賜五院貧民辛

酉宋遣使告宋主煦殂弟佶嗣位卽日遣使弔祭三月

甲申弛朔州山林之禁夏四月丁酉朔日有食之癸卯

如炭山五月壬午烏爾古原作烏古部討察察哩原作茶破

之乙酉漢人行宮都部署趙孝嚴薨丙戌駐蹕納克原作

葛納樂辛卯宋遣使饋先帝遺物乙未以東京留守和囉

木薩噶原作魯掃古爲特哩袞原作楊隱南院宣徽使蕭常格原作

常哥爲漢人行宮都部署六月庚子遣使賀宋主辛丑以

有司案牘書宋主嗣位爲登寶位詔奪宰相鄭顥以下

官出顥知興中府事韓資讓爲崇義軍節度使御史中

丞韓君義爲廣順軍節度使癸丑準布原作阻卜長來貢戊

午遣使決五京滯獄己未以遼興軍節度使梁援爲樞

密副使秋七月庚午如沙嶺壬申額特埒原作額特諸

部寇西北路八月額特埒原作額特以兵擊敗之使來獻

捷九月癸未望祠木葉山戊子駐蹕藕絲淀冬十月壬

寅以樞密副使王師儒監修國史癸卯五國諸部長來

貢甲寅以平州饑復其租賦一年十一月壬申以天德

軍民田世榮三世同居詔官之令一子三班院祇候丙

子召醫巫間山僧志達設壇于內殿戊子夏國王李乾

順遣使請尙公主十二月乙未女直遣使來貢己亥以

知右伊勒希巴

原作夷
裔畢

事赫嘉努

原作郝
家奴

爲北面林牙

辛亥詔燕國王延禧擬注大將軍以下官庚申鐵驪來

貢宋遣使來謝帝不豫是歲封高麗王顒爲三韓國公

放進士康秉儉等八十七人

七年春正月壬戌朔力疾御清風殿受百官及諸國使

賀是夜白氣如練自天而降黑雲起于西北疾飛有聲

北有青赤黑白氣相雜而落癸亥如混同江甲戌上崩

于行宮年七十遺詔燕國王延禧嗣位六月庚子上尊

諡曰仁聖大孝文皇帝廟號道宗

贊曰道宗初卽位求直言訪治道勸農興學救菑恤患

粲然可觀及夫謗訕之令旣行告許之賞日重羣邪並

興讒巧競進賊及骨冎皇基浸危衆正淪胥諸部反側

甲兵之用無寧歲矣一歲而餽僧二十六萬一日而祝

髮三千徒動小惠茂計大本尙足與論治哉

遼史卷二十六

德陽劉子雄校字

成都方守道覆校

遼史卷二十七

元中書右丞相總裁托克托等修

本紀第二十七

天祚皇帝一

天祚皇帝諱延禧字延寧小字阿果道宗之孫父順宗大孝順聖皇帝母貞順皇后蕭氏太康元年生六歲封梁王加守太尉兼中書令後二年進封燕國王大安七年總北南院樞密使事加尙書令爲天下兵馬大元帥壽隆七年正月甲戌道宗崩奉遺詔卽皇帝位於柩前羣臣上尊號曰天祚皇帝二月壬辰朔改元乾統大赦詔爲耶律伊遜原作乙辛所誣陷者復其官爵籍沒者出之流放者還之乙未遣使告哀於宋及西夏高麗乙巳以北府宰相蕭兀納爲遼興軍節度使加守太傅三月丁

卯詔有司以張孝傑家屬分賜羣臣甲戌召僧法頤放
戒於內庭夏四月旱六月庚寅朔如慶州甲午宋遣王
潛等來弔祭丙申高麗夏國各遣使慰奠戊戌以南府
宰相額特埒原作幹兼南院樞密使庚子追謚懿德皇
后爲宣懿皇后壬寅以宋魏國王和囉噶原作和爲天
下兵馬大元帥乙巳以北平郡王溥進封鄭王丁未北
院樞密使耶律阿蘇原作阿思知裕悅原作于越辛亥葬仁聖大
孝文皇帝宣懿皇后于慶陵秋七月癸亥準布原作阻卜鐵
驪來貢八月甲寅謁慶陵九月壬申謁懷陵乙亥駐蹕
藕絲淀冬十月壬辰謁乾陵甲辰上皇考昭懷太子謚
曰大孝順聖皇帝廟號順宗皇妣曰貞順皇后十二月
戊子以樞密副使張琳知樞密院事翰林學士張奉珪
參知政事兼同知樞密院事癸巳宋遣黃實來賀卽位

丁酉高麗夏國並遣使來賀己巳詔先朝已行事不得
陳告初以英格原作揚割爲生女直部節度使其俗呼爲太
師是歲英格原作揚割死傳于兄之子武雅淑原作烏雅
淑死其弟阿固達原作阿襲
二年春正月如鴨子河二月辛卯如春州三月大寒冰
復合夏四月辛亥詔誅伊遜原作乙辛黨徙其子孫于邊發
伊遜原作乙辛特爾特原作里特之墓剖棺戮屍以其家屬分
賜被殺之家五月乙丑額特埒原作特刺獻額特格爾原作
耶觀原作耶觀等部捷六月壬辰以雨罷獵駐蹕散水原丙午夏
國王李乾順復遣使請尙公主丁未南院大王辰嘉努
原作陳家奴致仕壬子李乾順爲宋所攻遣李造福田若水
求援閏月庚申策賢良壬申降惠妃爲庶人秋七月獵
黑嶺以霖雨給獵人馬準布原作阻卜來侵額特埒原作特刺

等戰敗之冬十月乙卯蕭哈里原作海里叛劫乾州武庫器

甲命北面林牙赫嘉努原作郝家奴捕之蕭哈里原作海里亡入

彭楚原作陪木水阿克展原作阿典部丙寅以南府宰相耶律額

特瑒原作幹為北院樞密使參知政事牛溫舒知南院

樞密使事十一月乙未赫嘉努原作郝家奴以不獲蕭哈里

原作海里免官壬寅以上京留守耶律慎思為北院樞密副

使有司請以帝生日為天興節

三年春正月辛巳朔如混同江女直函蕭哈里原作海里首

遣使來獻戊申如春州二月庚午以武清縣大水弛其

陂澤之禁夏五月戊子以獵人多亡嚴立科禁乙巳清

暑齊老原作赤勒嶺丙午謁慶陵六月辛酉夏國王李乾順

復遣使請尚公主秋七月中京雨雹傷稼冬十月甲辰

如中京己未吐蕃遣使來貢庚申夏國復遣使求援己

巳有事于觀德殿十一月丙申文武百官加上尊號曰

惠文智武聖孝天祚皇帝大赦以宋魏國王和囉噶原作

和魯為皇太叔梁王塔魯原作撻魯進封燕國王鄭王溥為

東京留守進封越國王百官各進一階丁酉以特哩袞

原作楊隱耶律和囉木薩噶原作魯掃古為南院大王戊戌以受

尊號告廟乙巳謁太祖廟追尊太祖之高祖曰昭烈皇

帝廟號肅祖妣曰昭烈皇后曾祖曰莊敬皇帝廟號懿

祖妣曰莊敬皇后召監修國史耶律儼纂太祖諸帝實

錄十二月戊申如藕絲淀是月放進士馬恭回等百三

人

四年春正月戊子幸魚兒灤壬寅獵木嶺癸卯燕國王

塔魯原作撻魯薨二月丁丑布古德原作骨德遣使來貢夏六

月甲辰駐畢旺國崖甲寅夏國遣李造福田若水求援

癸亥吐蕃遣使來貢秋七月南京蝗庚辰獵南山癸未
以西北路招討使蕭塔喇台原作得里底北院樞密副使耶
律慎思並知北院樞密使事辛卯以同知南院樞密使
事蕭敵里爲西北路招討使冬十月己酉鳳凰見于滌
陰己未幸南京十一月乙亥御迎月樓賜貧民錢十二
月辛丑以張琳爲南府宰相

五年春正月乙亥夏國遣李造福等來求援且乞伐宋
庚寅以遼興軍節度使蕭常格原作常哥爲北府宰相丁酉
遣樞密直學士高端禮等諷宋罷伐夏兵二月癸卯微
行視民疾苦丙午幸鴛鴦濼三月壬申以族女南仙封
成安公主下嫁夏國王李乾順夏四月甲申射虎炭山
五月癸卯清暑南崖壬子宋遣曾孝廣王戩報聘六月
甲戌夏國遣使來謝及貢方物己丑幸哈爾吉原作吉里吉

秋七月謁慶陵九月辛亥駐蹕藕絲淀乙卯謁乾陵冬
十一月戊戌禁商賈之家應進士舉丙辰高麗二韓國
公王顛薨子僕遣使來告十二月己巳夏國復遣李造
福田若水求援癸酉宋遣林洙來議與夏約和

六年春正月辛丑遣知北院樞密使蕭塔喇台原作得里底

知南院樞密使事牛溫舒使宋諷歸所侵夏地夏五月

清暑散水原六月辛巳夏國遣李造福等來謝秋七月

癸巳準布原作阻卜來貢甲午如黑嶺庚子獵鹿角山冬十

月己亥宋與夏通好遣劉正符曹穆來告庚辰以皇太

叔南京留守和囉噶原作和魯幹兼特哩袞原作楊隱東京留守

越國王溈爲南府宰相十一月乙未以謝嘉努原作家奴

爲南院大王瑪諾勒原作馬奴爲奚六部大王丙申行柴冊

禮戊戌大赦以和囉噶原作魯幹爲義和仁聖皇太叔越

國王清進封魏國王封皇子額嚕溫原作敖魯幹為晉王實

訥塔原作習泥烈為饒樂郡王己亥謁太祖廟甲辰祠木葉

山十二月己巳封耶律儼為漆水郡王餘官進爵有差

七年春正月釣魚于鴨子河二月駐畢大魚濼夏六月

次散水原秋七月如黑嶺冬十月謁乾陵獵醫巫間山

是年放進士李石等百人

八年春正月如春州夏四月丙申封高麗王侯為三韓

國公贈其父顯為高麗國王五月清暑散水原六月壬

辰西北路招討使蕭敵里率諸蕃來朝丙申射柳祈雨

壬寅夏國王李乾順以成安公主生子遣使來告丁未

如黑嶺秋七月戊辰以雨罷獵冬十二月己卯高麗遣

使來謝

九年春正月丙午朔如鴨子河二月如春州三月戊午

夏國以宋不歸地遣使來告夏四月壬午五國部來貢

六月乙亥清暑特哩原作特禮嶺秋七月隕霜傷稼甲寅獵

於哈爾吉原作侯里吉八月丁酉雪罷獵冬十月癸酉望祀

木葉山丁丑詔免今年租稅十二月甲申高麗遣使來

貢是年放進士劉禎等九十八人

十年春正月辛丑預行立春禮如鴨子河二月庚午朔

駐蹕大魚濼夏四月丙子五國部長來貢丙戌預行再

生禮癸巳獵于北山六月甲戌清暑玉邱癸未夏國遣

李造福等來貢甲午準布原作阻卜來貢秋七月辛丑謁慶

陵閏月辛亥謁懷陵己未謁祖陵壬戌皇太叔和囉噶

原作和魯幹薨九月甲戌免重九節禮冬十月駐蹕藕絲淀

十二月己酉改明年元是歲大饑

天慶元年春正月釣魚于鴨子河二月如春州三月乙

亥五國部長來貢夏五月清暑散水原秋七月獵冬十月駐蹕藕絲淀

二年春正月己未朔如鴨子河丁丑五國部長來貢二月丁酉如春州幸混同江釣魚界外生女直部長在干里內者以故事皆來朝適遇頭魚宴酒半酣上臨軒命諸人次第起舞獨阿固達原作阿固達骨打辭以不能諭之再三終不從他日上密謂樞密使蕭奉先曰前日之宴阿固

達原作阿固達骨打意氣雄豪顧視不常可託以邊事誅之否則必貽後患奉先曰麓人不知禮義無大過而殺之恐傷向化之心假有異志又何能為其弟武奇邁原作吳尼雅滿粘罕瑚實原作胡舍等嘗從獵能呼鹿刺虎搏熊上喜

輒加官爵夏六月庚寅清暑南崖甲午和州回鶻來貢戊戌成安公主來朝甲辰準布原作阻卜來貢秋七月乙丑

獵南山九月己未射獲熊燕羣臣上親御琵琶初阿固

達原作阿固達骨打混同江宴歸疑上知其異志遂稱兵先併旁近部族女直卓克算原作趙三阿古齊原作阿古齊拒之阿固達原作阿固達骨打虜其家屬二人走訴咸州詳袞原作詳穩司送北樞

密院樞密使蕭奉先作常事以聞上仍送咸州詰責欲使自新後數召阿固達原作阿固達骨打竟稱疾不至冬十月辛亥高麗三韓國公王侯之母死來告即遣使致祭起復是月駐蹕奉聖州十一月乙卯幸南京丁卯謁太祖廟是年放進士韓昉等七十七人

二年春正月丙寅賜南京貧民錢丁卯如大魚灤甲戌禁僧尼破戒丙子獵狗牙山大寒獵人多死三月籍諸道戶徙達里庫原作太古山圍場地居民于別土阿固達原作阿固達骨打一日率五百騎突至咸州吏民大驚翌日赴詳

袞原作司與卓克算原作三等面折庭下阿固達原作

不屈送所司問狀一夕遁去遣人訴於上謂詳袞原作

司欲見殺故不敢留自是召不復至夏閏四月李洪以

左道聚眾為亂支解分示五京六月乙卯烏梁海原作

改國遣使來貢良犬丙辰夏國遣使來貢秋七月幸秋

山九月駐蹕藕絲淀十一月甲午以三司使虞融知南

院樞密使事西南面招討使蕭樂古為南府宰相十二

月庚戌高麗遣使來謝致祭癸丑回鶻遣使來貢甲寅

以樞密直學士馬人望參知政事丙辰知樞密院事耶

律儼薨癸亥高麗遣使來謝起復

四年春正月如春州初女直起兵以赫舍哩原作部

人阿蘇原作不從遣其部薩該原作討之阿蘇原作弟

達呼布原作來告詔諭使勿討不聽阿蘇原作來奔

至是女直遣使來索不發夏五月清暑散水原秋七月

女直復遣使取阿蘇原作不發乃遣侍御阿息保問境

上多建城堡之故女直以慢語答曰若還阿蘇原作朝

貢如故不然城未能已遂發渾河北諸軍益東北路統

軍司阿固達原作乃與弟尼雅滿原作瑚實原作等

謀以尼楚赫原作伊埒原作羅索原作棟摩原作等

為帥集女直諸部兵擒遼障鷹官及攻寧江州東北路

統軍司以聞時上在慶州射鹿聞之略不介意遣海州

刺史高仙壽統渤海軍應援蕭托卜嘉原作遇女直

戰于寧江東敗績冬十月壬寅以守司空蕭嗣先為東

北路都統靜江軍節度使蕭托卜嘉原作為副發契

丹奚軍三千人中京禁兵及土豪一千人別選諸路武

勇二千餘人以虞候崔公義為都押官控鶴指揮邢穎

遼史卷二十七
爲副引軍屯出河店兩軍對壘女直軍潛渡混同江掩
擊遼眾蕭嗣先軍潰崔公義邢穎耶律佛哩原作佛留蕭噶
克實原作葛十等死之其獲免者十有七人蕭奉先懼其弟
嗣先獲罪輒奏東征潰軍所至劫掠若不肆赦恐聚爲
患上從之嗣先但免官而已諸軍相謂曰戰則有死而
無功退則有生而無罪故士無鬪志望風奔潰十一月
壬辰都統蕭敵里等營于沃稜原作翰鄰灤東又爲女直所
襲士卒死者甚眾甲午蕭敵里亦坐免官辛丑以西北
路招討使耶律斡里朶爲行軍都統副點檢蕭伊實原作
薛乙同知南院樞密使事耶律章努原作章奴副之十二月咸
賓祥三州及鐵驪烏舍原作兀惹皆叛入女直伊實原作薛乙往
援賓州南軍諸將實喇原作實婁圖烈原作特烈等往援咸州並
爲女直所敗

遼史卷二十七

德陽劉子雄校字
成都方守道覆校

遼史卷二十八

元中書右丞相總裁托克托等修本紀第二十八

天祚皇帝二

五年春正月下詔親征遣僧嘉努原作僧家奴持書約和斥

阿固達原作阿骨打名阿固達原作阿骨打遣賽刺復書若歸叛

人阿蘇原作阿疎遷黃龍府於別地然後議之都統耶律斡

里朶等與女直兵戰於達里庫原作達魯古城敗績二月饒

州渤海古欲等反自稱大王三月以蕭色佛哱原作佛留

等討之遣耶律章嘉努原作張家奴等六人齎書使女直斥

其主名冀以速降夏四月癸丑蕭色佛哱原作佛留等為

渤海古欲所敗以南面副部署蕭托斯和原作蘇翰為都

統赴之五月托斯和原作蘇翰及古欲戰敗績章嘉努原作

張家等以阿固達原作阿骨打書來復遣之往六月己亥朔
清暑特哩原作特禮嶺壬子章嘉努原作張家奴等還阿固達原作
打阿骨復書亦斥名諭之使降癸丑以親征諭諸道丙辰
托斯和原作陶蘇幹招復古欲等癸亥以特哩袞原作楊隱耶律
摩哩原作末里為北院大王是月遣蕭色埒原作辭刺使女直以
書辭不屈見留秋七月辛未宋遣使致助軍銀絹丙子
獵于嶺東是月都統斡里朶等與女直戰於白馬濼敗
績八月甲子罷獵趨軍中以斡里朶等軍敗免官丙寅
以圍場使鄂博原作阿不為中軍都統耶律章嘉努原作張家奴
為都監率番漢兵十萬蕭奉先充御營都統諸行營都
部署耶律章努原作章奴為副以精兵二萬為先鋒餘分五
部為正軍實族子弟千人為硬軍扈從百司為護衛軍
北出駱駝口以都點檢蕭呼塔噶原作胡觀姑為都統樞密

直學士柴誼為副將漢步騎三萬南出甯江州自長春
州分道而進發數月糧期必滅女直九月丁卯朔女直
軍陷黃龍府己巳知北院樞密使蕭塔喇台原作里底出
為西南面招討使色埒原作辭刺還女直復遣賽刺以書來
報若歸我叛人阿蘇原作阿疎等即當班師上親征尼雅滿
粘罕原作兀術烏珠原作兀術等以書來上陽為卑哀之辭實欲求戰
書上上怒下詔有女直作過大軍剪除之語女直主聚
眾勢面仰天慟哭曰始與汝等起兵蓋苦契丹殘忍欲
自立國今主上親征奈何非人人死戰莫能當也不若
殺我一族汝等迎降轉禍為福諸軍皆曰事已至此惟
命是從乙巳耶律章努原作章奴反奔上京謀迎立魏國王
溘上遣駙馬蕭昱領兵詣廣平淀護后妃行宮實達爾
小底伊遜原作乙信持書馳報魏國王時章努原作章奴先遣王

妃親弟蕭諦里以所謀說魏國王王曰此非細事主上自有諸王當立北南面大臣不來而汝言及此何也密令左右拘之有頃伊遜原作乙信等齎御札至備言章努原作章奴等欲廢立事魏國王立斬蕭諦里等首以獻單騎聞道詣廣平淀待罪上遇之如初章努原作章奴知魏國王不聽率麾下掠慶曉懷祖等州結渤海羣盜眾至數萬趨廣平淀犯行宮順國女直阿古齊原作阿鶻產以三百騎一戰而勝擒其貴族二百餘人並斬首以徇其妻子配役繡院或散諸近侍為婢餘得脫者皆奔女直章努原作章奴詐為使者欲奔女直為邏者所獲縛送行在腰斬于市剖其心以獻祖廟支解以徇五路冬十一月遣駙馬蕭特默原作特末林牙蕭察刺等將騎兵五萬步卒四十萬親軍七十萬至駝門十二月乙巳耶律章嘉努原作張家奴叛

戊申親戰于科卜多原作步答護岡敗績盡亡其輜重己未

錦州刺史耶律珠展原作術者叛應章嘉努原作張家奴庚申北

面林牙耶律瑪格原作馬哥討章嘉努原作張家奴癸亥以北院

宣徽使蕭罕嘉努原作韓家奴知北院樞密使事南院宣徽

使蕭特默原作特末為漢人行宮都部署

六年春正月丙寅朔東京夜有惡少年十餘人乘酒執忍踰垣入留守府問留守蕭保先所在今軍變請為備蕭保先出刺殺之戶部使大公鼎聞亂即攝留守事與副留守高清明集奚漢兵千人盡捕其眾斬之撫定其民東京故渤海地太祖力戰二十餘年乃得之而蕭保先嚴酷渤海苦之故有是變其裨將渤海高永昌僭號稱隆基元年遣蕭伊實原作乙薛高興順招之不從閏月己亥遣蕭罕嘉努原作韓家奴張琳討之戊午貴德州守將耶

律伊都

原作余覩

以廣州渤海叛附永昌我師擊敗之二月

戊辰侍御司徒托卜嘉

原作不也

等討章嘉努原作家奴戰

于祖州敗績乙酉遣漢人行宮都部署蕭特默原作特末率

諸將討章嘉努原作家奴戊子章嘉努原作家奴誘饒州渤

海及中京賊侯槃等萬餘人攻陷高州三月東面行軍

副統綽哈原作酬幹等擒侯槃于川州夏四月戊辰親征章

嘉努原作家奴癸酉敗之甲戌誅叛黨饒州渤海平丙子

賞平賊將士有差而蕭罕嘉努原作家奴張琳等復為賊

所敗五月清暑散水原女直軍攻下瀋州復陷東京擒

高永昌東京州縣族人赫伯原作痕李道拉原作鐸刺烏舍原作吳十

托卜嘉原作不也道刺綽哈原作酬幹等十三人皆降女直六

月乙丑籍諸路兵有雜畜十頭以上者皆從軍庚辰魏

國王濱進封秦晉國王為都元帥上京留守蕭托卜嘉

原作不也

為契丹行宮都部署兼副元帥丁亥知北院樞

密使事蕭罕嘉努原作家奴為上京留守秋七月獵秋山

春州渤海二千餘戶叛東北路統軍使勒兵追及盡俘

以還八月烏爾古原作烏古部叛遣中丞耶律托卜嘉原作不

也等招之九月丙午謁懷陵冬十月丁卯以張琳軍敗

奪官庚辰烏爾古原作烏古部降十一月東面行軍副統瑪

格原作馬哥等攻哈斯罕原作蘇館敗績十二月乙亥封庶人

蕭氏為太皇太妃辛巳削副統耶律瑪格原作馬哥官

七年春正月甲寅滅廢馬粟分給諸局是月女直軍攻

春州東北面諸軍不戰自潰孟古原作女古皮室四部及渤

海人皆降復下泰州二月涑水縣賊董龐兒聚眾萬餘

西京留守蕭伊實原作乙薛南京統軍都監察喇原作查刺與戰

于易水破之三月龐兒黨復聚伊實原作乙薛復擊破之于

奉聖州夏五月庚寅東北面行軍諸將聶嘑原作涅里赫嚕

原作合魯尼格原作涅哥錫庫原作虛古等棄市乙巳議圍場隙地縱

百姓樵採六月辛巳以同知樞密院事額哩頁原作余里也

為北院大王秋七月癸卯獵秋山八月丙寅獵錫錫納

林原作斯那里山命都元帥秦晉王赴沿邊會四路兵馬防

秋九月上自燕至陰涼河置淵原作怨軍八營募自宜州

者曰前宜後宜自錦州者曰前錦後錦自乾自顯者曰

乾曰顯又有乾顯大營巖州營凡二萬八千餘人屯衛

州蒺藜山丁酉獵輞子山冬十月乙卯朔至中京十二

月丙寅都元帥秦晉國王濟遇女直軍戰于蒺藜山敗

績女直復拔顯州旁近州郡庚午下詔自責癸酉遣伊

勒希巴原作察喇與大公鼎諸路募兵丁丑以

西京留守蕭伊實原作乙薛為北府宰相東北路行軍都統

奚哈瑪爾原作霞末知奚六部大王事是歲女直阿固達原作

打阿骨用鐵州楊朴策即皇帝位建元天輔國號金楊朴

又言自古英雄開國或受禪必先求大國封冊遂遣議

和以求封冊

八年春正月幸鴛鴦灤丁亥遣耶律努克原作奴哥等使金

議和庚寅保安軍節度使張崇以雙州二百戶降金東

路諸州盜賊蜂起掠民自隨以充食二月耶律努克原作

奴哥還自金主復書曰能以兄事朕歲貢方物歸我上

京中京興中府三路州縣以親王公主駙馬大臣子孫

為質還我行人及元給信符并宋夏高麗往復書詔表

牒則可以如約三月甲午復遣努克原作奴哥使金夏四月

辛酉以西南面招討使蕭塔喇台原作里底為北院樞密

使五月壬午朔努克原作奴哥以書來約不踰此月見報戊

戊復遣努克

原作奴哥

使金要以酌中之議是月至納克

原作

葛納灤賊安生兒張高兒聚眾二十萬耶律瑪格

原作馬哥等

斬生兒于龍化州高兒亡入懿州與霍六格

原作六哥

相合金主遣呼圖克琨

原作胡

與努克

原作奴哥

持書報如前約六月丁卯遣努克

原作奴哥

等齋宋夏高麗書詔表牒至

原作

金霍六格

原作六哥

陷海北州趣義州軍帥和勒博

原作回離

保等擊敗之通祺雙遼四州之民八百餘戶降于金秋

原作

七月獵秋山金主遣呼圖克琨

原作胡

來免取質子及上京興中府所屬州郡裁減歲幣之數如能以兄事朕

原作

冊用漢儀可以如約八月庚午遣努克

原作奴哥

托迪

原作突迭

使金議冊禮九月托迪

原作突迭

見留遣努克

原作奴哥

還謂之曰言如不從勿復遣使閏月丙寅遣努克

原作奴哥

復使金而蕭博和哩

原作訛里

等十五人各率戶降于金冬十月

原作

努克

原作奴哥

托迪

原作突迭

持金書來龍化州張應古等四人

原作

率眾降金十一月副元帥蕭托卜嘉

原作不也

薨十二月甲申議定冊禮遣努克

原作奴哥

使金甯昌軍節度使劉宏

原作

以懿州戶三千降金時山前諸路大饑乾顯宜錦興中

原作

等路斗粟直數練民削榆皮食之既而人相食是年放

原作

進士王暈等百三人

原作

九年春正月金遣烏林達

原作林答

贊謨持書來迎冊二

原作

月至鴛鴦灤賊張薩巴

原作撒八

誘中京射糧軍僭號南面

原作

軍帥伊都

原作余觀

擒薩巴

原作撒八

三月丁未朔遣知右伊勒

原作泥烈

希巴

原作商畢

事蕭實訥埒

原作贊謨

努克

原作奴哥

等先以書報

原作

皇帝已酉烏林達

原作林答

贊謨努克

原作奴哥

復遣烏林達

原作烏林答

贊謨來責冊文無兄事之語不言

大金而云東懷乃小邦懷其德之義及冊文有渠材二

字語涉輕侮若遙芬多戩等語皆非善意殊乖體式如

依前書所定然後可從楊詢卿羅子韋率眾降金八月

以趙王實訥埒

原作習泥烈

為西京留守九月至西京復遣

實訥埒

原作習泥烈

楊立忠

先持冊藁使金冬十月甲戌朔

耶律辰圖努

原作陳圖奴

等二十餘人謀反伏誅是月遣使

送烏林達

原作烏林答

贊謨持書以還

十年春二月幸鴛鴦灤金復遣烏林達

原作烏林答

贊謨持

書及冊文副本以來仍責乞兵于高麗三月己酉民有

羣馬者十取其一給東路軍庚申以金人所定大聖二

字與先世稱號同復遣實訥埒

原作習泥烈

往議金主怒遂

絕之夏四月獵呼圖哩巴

原作胡土白

山聞金師再舉耶律

拜薩巴

原作白斯不

等選精兵三千以濟遼師五月金主親

攻上京克外郭留守托卜嘉

原作嘉不也

率眾出降六月乙

酉以北京宰相蕭伊實

原作乙薛

為上京留守知鹽鐵內省

兩司東北統軍司事秋獵沙嶺冬復至西京

德陽劉子雄校字

成都方守道覆校

遼史卷二十九

元中書右丞相總裁托克托等修

本紀第二十九

天祚皇帝三

保大元年春正月丁酉朔改元肆赦初金人興兵郡縣
 所失幾半上有四子長趙王母趙昭容次晉王母文妃
 次秦王許王皆元妃生國人知晉王之賢深所屬望元
 妃之兄樞密使蕭奉先恐秦王不得立潛圖之文妃姊
 妹三人長適耶律達哈原作達曷里次文妃次適伊都原作
余觀一日其姊若妹俱會軍前奉先諷人誣駙馬蕭昱及
 伊都原作觀等謀立晉王事覺昱達哈原作拉原作曷里攙等伏誅
 文妃亦賜死獨晉王未忍加罪伊都原作觀在軍中聞之
 大懼即率千餘騎叛入金上遣知奚王府事蕭錫默原作

遐買北府宰相蕭德恭大常袞耶律諦里姑歸州觀察使
蕭和尚努原作和尙奴四軍太師蕭幹將所部兵追之及諸
閭山縣諸將議曰主上信蕭奉先言奉先視吾輩蔑如
也伊都原作余觀乃宗室豪俊常不肯爲奉先下若擒伊都
襲不及奉先既見伊都原作余觀之亡恐後日諸校亦叛遂
勸驟加爵賞以結眾心以蕭錫默原作退買爲奚王蕭德恭
試中書門下平章事兼判上京留守事耶律諦里姑爲
龍虎衛上將軍蕭和尚努原作尙奴金吾衛上將軍蕭幹
鎮國大將軍二月幸鴛鴦濼夏五月至赫呀蘇原作里狝
秋七月獵炭山九月至南京冬十一月癸亥以西京留
守趙王實訥原作泥烈爲特哩袞原作楊隱
二年春正月乙亥金克中京遂下澤州上出居庸關至

鴛鴦濼聞伊都原作余觀引金人羅索原作婁室貝勒原作李堇奄至
蕭奉先曰伊都原作余觀乃王子班之苗裔此來欲立甥晉
王耳若爲社稷計不惜一子明其罪誅之可不戰而伊
都原作余觀自迴矣上遂賜晉王死素服三日耶律薩巴原作
入等皆伏誅王素有人望諸軍聞其死無不流涕由是
人心解體伊都原作余觀引金人逼行宮上率衛兵五千餘
騎幸雲中遺傳國璽于桑乾河二月庚寅朔日有食之
既甲午知北院大王事耶律瑪格原作馬哥漢人行宮都部
署蕭特默原作特末並爲都統大和宮使耶律布達原作補得副
之將兵屯鴛鴦濼己亥金師敗奚王哈瑪爾原作霞末于北
安州遂降其城三月辛酉上聞金師將出嶺西遂趨白
水濼乙丑羣牧使穆喇幹原作魯幹降金丙寅上至努克
特原作古底倉聞金兵將近計不知所出乘輕騎入夾山

方悟奉先之不忠怒曰汝父子誤我至此今欲誅汝何
益于事恐軍心忿怨爾曹避敵苟安禍必及我其勿從
行奉先下馬哭拜而去行未數里左右執其父子縛送
金兵金人斬其長子昂以奉先及其次子昱械送金主
道遇遼軍奪以歸國遂並賜死逐樞密使塔喇台原作
底召托卜嘉原作撻不也典禁衛丁卯以北院樞密副使蕭
僧孝努原作僧孝奴知北院樞密使事同知北院樞密使事
蕭察喇原作查刺為左伊勒希巴原作夷戊辰同知殿前點
檢事耶律果巴原作高八率衛士降金己巳偵人蕭和尙牌
印郎君耶律希斯原作嘶斯為金師所獲癸酉以諸局百工
多亡凡扈從不限吏民皆官之初詔留宰相張琳李處
溫與秦晉國王涪守燕處溫聞上入夾山數日命令不
通即與弟處能子奭外假淵原作怨軍內結都統蕭幹原作

幹原作謀立涪遂與諸大臣耶律達實原作大石左企弓虞仲文
曹勇義康公弼集番漢百官諸軍及父老數萬人詣涪
府處溫邀張琳至白其事琳曰攝政則可處溫曰天意
人心已定請立班耳處溫等請涪受禮涪方出李奭持
赭袍被之令百官拜舞山呼涪驚駭再三辭不獲已而
從之以處溫守太尉左企弓守司徒曹勇義知樞密院
事虞仲文參知政事張琳守太師李處能直樞密院李
奭為少府少監提舉翰林醫官李爽陳祕十餘人曾與
大計並賜進士及第授官有差蕭幹原作為北樞密使
駙馬都尉蕭旦知樞密院事改淵原作怨軍為常勝軍於
是肆赦自稱天錫皇帝改元建福降封天祚為湘陰王
遂據有燕雲平及上京遼西六路天祚所有沙漠已北
西南西北路兩都招討府諸番部族而已夏四月辛卯

西南面招討使耶律佛騰原作佛頂降金雲內甯邊東勝等州皆降阿蘇原作阿疎為金兵所擒金已取西京沙漠以南部族皆降上遂遁於額蘇掄原作說時北部瑪克實原作失葛贖馬馳食羊五月甲戌都統瑪格原作馬哥收集散亡會于額勒錦原作里謹丙子以瑪格原作馬哥知北院樞密使事兼都統六月涪寢疾聞上傳檄天德雲內朔武應蔚等州合諸番精兵五萬騎約以八月入燕并遣人間勞索衣裘茗藥涪甚驚命南北面大臣議而李處溫蕭幹原作幹等有迎秦拒湘之說集番漢百官議之從其議者東立惟南面行營都部署耶律甯西立處溫等問故甯曰天祚果能以諸番兵大舉奪燕則是天數未盡豈能拒之否則秦湘父子也拒則皆拒自古安有迎子而拒其父者處溫等相顧微笑以甯扇亂軍心欲殺之涪歛

枕長歎曰彼忠臣也焉可殺天祚果來吾有死耳復何面目相見耶已而涪死眾乃議立其妻蕭氏為皇太后主軍國事奉遺命迎立天祚次子秦王定為帝太后遂稱制改元德興處溫父子懼禍南通童貫欲挾蕭太后納土于宋北通于金欲為內應外以援立大功自陳蕭太后罵曰誤秦晉國王者皆汝父子悉數其過數十賜死鬻其子奭而磔之籍其家得錢七萬緡金玉寶器稱是為宰相數月之間所取也瑪克實原作葛失以兵來援為金人敗于鴻和原作洪灰水擒其子托果原作陀古及其屬阿敦原作敵音夏國援兵至亦為金所敗秋七月丁巳朔德原作敵部皮室叛烏爾古原作烏古部節度使耶律唐古原作棠討平之加太子太保乙丑上京茂巴克實原作八十率二千戶降金辛未夏國遣曹价來問起居八月戊戌親

遇金軍戰于石輦驛敗績都統蕭特默原作特未及其姪薩

古原作撒古被執辛丑會軍于歡塔察拉原作歡撻金兵追

之急棄輜重以遁九月德哱原作敵烈部叛都統瑪格原作馬哥

克之冬十月金兵攻蔚州降十一月乙丑聞金兵至奉

聖州遂率衛兵屯于埒克塞原作昆髓秦晉王湊妻蕭德

妃五表于金求立秦王不許以勁兵守居庸及金兵臨

關厓石自崩戍卒多壓死不戰而潰德妃出古北口趨

天德軍十二月知金主撫定南京上遂由薩里原作掃里關

出居四部族詳袞原作詳穩之家

三年春正月丁巳奚王和勒博原作回僭號稱天復元

年命都統瑪格原作馬哥討之甲子初張毅為遼興軍節度

副使民推毅領州事秦晉王湊既死蕭德妃遣錫凌阿原作錫

凌阿原作立愛至毅弗納金帥尼雅滿原作粘罕入燕首問平

州事於故參知政事康公弼公弼曰毅狂妄寡謀雖有

鄉兵彼何能為示之不疑圖之未晚金人招錫凌阿原作

愛時立赴軍前加毅臨海軍節度使仍知平州既而又欲

以精兵三千先下平州擒張毅公弼曰若加兵是趣之

叛也公弼請自往覘之毅謂公弼曰遼之八路七路已

降獨平州未解甲者防蕭幹原作幹耳厚賂公弼而還公

弼復尼雅滿原作粘罕曰彼無足慮金人遂攻平州為南京

加毅試中書門下平章事判留守事庚辰宜錦乾顯成

川豪懿等州相繼皆降上京盧彥綸叛殺契丹人二月

乙酉朔興中府降金來州歸德軍節度使田顥權隰州

刺史杜師回權遷州刺史高永昌權閏州刺史張成皆

籍所管戶降金丙戌誅蕭德妃降湊為庶人盡釋其黨

癸巳興中宜州復城守三月駐蹕于雲內州南夏四月
 甲申朔以知北院樞密使蕭僧孝努原作僧為諸道大
 都督丙申金兵至居庸關擒耶律達實原作大石戊戌金兵
 圍輜重于青冢硬寨太保特默格原作特竊梁王雅里
 以遁秦王許王諸妃公主從臣皆陷沒庚子梁宋大長
 公主托里原作特里亡歸壬寅金遣人來招癸卯荅言請和
 丙午金兵送族屬輜重東行乃遣兵邀戰于白水灤趙
 王實訥埒原作習蕭道甯皆被執上遣牌印郎君穆喇
 幹原作謀送兔紐金印偽降遂西遁雲內駙馬都尉潤
 諾原作詣金降己酉金復以書來招荅其書壬子金帥
 書來不許請和是月特默格原作特挈雅里至上怒不
 能盡救諸子詰之五月乙卯夏國王李乾順遣使請臨
 其國庚申軍將耶律迪里原作等夜劫梁王雅里奔西

北部立以為帝改元神歷辛酉渡河止于金肅軍北和
 勒博原作同為眾所殺六月遣使冊李乾順為夏國皇
 帝秋九月耶律達實原作大石自金來歸冬十月復渡河東
 還居圖魯卜原作突部梁王雅里歿耶律珠拉原作繼
 之十一月圖烈原作為眾所殺
 四年春正月上趨都統瑪格原作軍金人來攻棄營北
 遁瑪格原作被執瑪克實原作來迎贖馬馳羊又率
 部人防衛時侍從乏糧數日以衣易羊至烏爾古原作
 德降原作部以都點檢蕭伊實原作知北院樞密使事
 封瑪克實原作為神裕悅原作王特默格原作降
 金二月耶律約蘇原作等十人謀叛伏誅夏五月金人
 既克燕驅燕之大家東徙以燕空城及涿易檀順景薊
 州與宋以塞盟左企弓康公弼曹勇義虞仲文皆東遷

燕民流離道路不勝其苦入平州言於留守張穀曰宰相左企弓不謀守燕使吾民流離無所安集公今臨巨鎮握強兵盡忠於遼必能使我復歸鄉土人心亦惟公是望穀遂召諸將領議皆曰聞天祚兵勢復振出沒漠南公若仗義勤王奉迎天祚以圖中興先責左企弓等叛降之罪而誅之盡歸燕民使復其業而以平州歸宋則宋無不接納平州遂爲藩鎮矣卽後日金人加兵內用平州之軍外得宋爲之援又何懼焉穀曰此大事也不可草草翰林學士李石智而多謀可召與議石至其言與之合乃遣張謙率五百餘騎傳留守合召宰相左企弓曹勇義樞密使虞仲文參知政事康公弼至灤河西岸遣議事官趙祕校往數十罪曰天祚播遷夾山不卽奉迎一也勸皇叔秦晉王僭號二也詆訐君父降封

湘陰三也天祚遣知閤王有慶來議事而殺之四也檄書始至有迎秦拒湘之議五也不議守燕而降六也不顧大義臣事于金七也根括燕財取悅于金八也使燕人遷徙失業九也教金人發兵先下平州十也爾有十罪所不容誅左企弓等無以對皆縊殺之仍稱保大三年畫天祚象朝夕謁事必告而後行稱遼官秩六月榜諭燕人復業恆產爲常勝軍所占者悉還之燕民旣得歸大悅翰林學士李石更名安弼偕故三司使高黨往燕山說宋王安中曰平州帶甲萬餘穀有文武材可用爲屏翰不然將爲肘腋之患安中深然之合安弼與黨詣宋主詔帥臣王安中詹度厚加安撫與免三年常賦穀聞之自謂得計秋七月金人屯來州棟摩原作聞平州附宋以二千騎問罪先入營州穀以精兵萬騎擊

敗之宋建平州爲秦甯軍以穀爲節度使以安弼黨爲
徽猷閣待制令宣撫司出銀絹數萬犒賞穀喜遠迎金
人諜知舉兵來襲穀不得歸奔燕金人克三州始來索
穀王安中諱之索急斬一人貌類者去金人曰非穀也
以兵來取安中不得已殺穀函其首送金天祚旣得林
牙耶律達實原作大石兵歸又得陰山室韋瑪克實原作葛失
兵自謂得天助再謀出兵復收燕雲達實原作大石林牙力
諫曰自金人初陷長春遼陽則車駕不幸廣平淀而都
中京及陷上京則都燕山及陷中京則幸雲中自雲中
而播遷夾山向以全師不謀戰備使舉國漢地皆爲金
有國勢至此而方求戰非計也當養兵待時而動不可
輕舉不從達實原作大石遂殺伊實原作乙薛及博勒和原作里括
置北南面官屬自立爲王率所部西去上遂率諸軍出

夾山下漁陽嶺取天德東勝甯邊雲內等州南下武州
遇金人戰于昂阿原作奄過下水復潰直趨山陰八月國舅
詳袞原作詳穩蕭托卜嘉原作不也筆硯祇候察刺降金是月
金主阿固達原作骨打死九月建州降金冬十月納圖魯
卜原作呂不部人額爾克原作訛哥之妻恩克原作諸葛以額爾克
原作訛哥爲本部節度使扎古雅原作古牙率眾降金金攻興
中府降之十一月從行者舉兵亂北護衛太保珠展原作
木者錫里原作舍利詳袞原作詳穩額布勒原作不里等擊敗之十二
月置二總管府

遼史卷二十九

德陽劉子雄校字
成都方守道覆校

92-11287

